



商邱縣志







萬壽亭在郡城東一里許先是我

皇上御極之三十年軫念豫土決歲歉獲閭閻艱食  
特沛

恩綸凡河南一道康熙三十一年之丁田稅糧盡行  
蠲免兩河黎庶罔不踴躍歡忭而歸德一郡尤  
感頌


浩蕩度無以報


聖恩於是相率而建亭斷碑以奉


璽書復構大廈五盈敬安

萬歲牌庶民子來不十旬而落成經始於壬申之仲  
冬告竣於癸酉之陬月金甍籠雲畫棟耀采巍  
手煥手為一方之巨麗而百年父老歎曠古所  
未有矣臣昌竊祿是邦纂修邑乘敬繪圖以冠  
簡端仰


聖澤之宏長表臣民之愛戴而凡食毛踐土於斯者  
永勿忘忠敬之悃於億萬斯年庶不負茲建亭  
之意云河南歸德府商邱縣知縣臣劉德昌楷  
首頌首而識之











縣治圖

自修縣志

縣治圖


五



縣丞宅



典史宅



縣衙門



土地祠

賓賓館

東庫房



縣


戒

城


三

忠民樂局 旌善亭





石



縣文廟



啟聖祠



教諭宅

訓導宅



敬一亭



先師廟

西廡

東廡



泮池



賢祠



名宦祠



壁牆



縣儒學



文昌閣



刻



明倫堂

西  
房  
號

東  
房  
號



門

禮



門

學





庚城界

象塘寺

丁家口

朱梅集






城南新河圖


張氏廟

三官廟

北園店



鹿邑縣界



李家橋 邱家口 李家




包公廟

鹿邑縣界



南... 行... 圖



小渠

鄧城

金家橋

劉家橋

閻王廟

潘家田

三官廟

水池舖

劉家店

盧家橋

盧家河

魏家灣

劉家店

李家庄

周家庄

李山堂

古宋集

清河口

楊家橋

王家橋

程家橋

池

是即隋堤舊河也歲久埋廢順治末郡守宋國榮曾  
開之未成而止康熙二十九年令周宗義募貲萬  
餘金復加修治直達臺界流入渦河但水本無源而  
河身又不甚深廣故無水之時常多而有水之時常  
少唯夏秋霖潦則積注汪汪焉顧境內苦無大川一  
遇滂年則阡陌化洪波而聽其自涸為民患非小如  
此等河能踵而修之俾得常通常流以洩異漲亦未  
始無補於商民也

序

商邱雖古地而以縣稱則自明嘉靖間始蓋今之商邱即古之睢陽宋城也歷代倚郡郭明初省併穀熟楚邱諸邑而為州洎州復升郡而以州境為縣境縣之有志則昉於萬曆初呂令也壬午寇亂全城灰燼何有於志鼎革後十餘載而章邱劉君來宰是邦雅意修復旨值兵燹之餘老成凋喪文獻無徵劉君因陋就簡約略補綴功侔草創及壬申癸酉間山陰周令欲加續修其時老成文獻衰燭更甚於劉尹之日

不過取舊志臚錄一過而增以戊戌己後之科甲及  
太學生姓名而已謂之曰續修可乎余承乏六載以  
為千古之書莫大於經史史者經之翼也治天下之  
大典大則也國史為天下之史而郡邑志為一方之  
史士大夫不可不讀國史守令長讀可不閱郡邑志  
乎不揣固陋有志修葺值水旱洊臻皇皇未遑申申  
之春隸人不戒於火舊板竟付祝融嗚呼天殆警予  
以速成此志乎於是請諸鄉先生及博士弟子珥筆  
助予諸公咸避席曰明府有事於邑乘此邑人之尤

邑人之幸也何敢以不文辭而宜有所不可者不敢不以直告蓋志之所重在掌故而尤重在人物毋論我輩謏焉不能迭搜覽證古今即以人物論遠者有先世邇者有親暱非是即先世之親暱而或親暱之先世也將誰毀乎誰譽乎志例固無毀如以譽取其可譽者而譽之未必有功如不可譽者而譽之豈能無過求譽者而即譽之彼未嘗以為德求譽者而不即譽之彼無不怨且謗矣惟明府亮焉余唯唯審如是盍已諸衆曰嘻是惡可以明府交遊遍海內惟擇

其有道而文者專任之可也適我友崑山葉君松川氏將之西川赴我家觀察凡之招道出梁宋松川篤行稽古尤邃于史學遂邀其暫紆岷峨之駕止東商略志事且告之曰商之典章故實君之所知也商之人物藏否君之所未盡知也豈惟君即余守茲土數歲亦豈能一一知而知之一一盡乎我輩誦法孔孟論人不可不以孔孟為法孔子曰鄉人之善者好之其不善者惡之孟子曰國人皆曰賢然後察之遂下今邑中曰凡昔人士之有物望及隱德者婦女之有

節烈懿行者悉舉以告於是矚其來舉之人公者則  
登之私則置之舉而寡者近于私舉而衆者近於公  
而又加以博訪叅以載藉然後進而品隲焉雖未能  
百不失一而皆蓋公議者或寡矣余與松川晨夕搜  
討凡七閱月而告成為卷二十為條四十有奇各備  
序論損益乎煩簡華實之間而求各當其可不敢云  
懸諸國門與人增減而後人有採掇舊聞攷討疇曩  
者或不能舍之而他適也梓既竣因述其緣起以告  
邑人嘗

康熙四十有四年歲次旃蒙作噩淑月文林郎河南  
歸德府高邱縣知縣文安劉德昌題



舊志序

章邱劉之驥

夫列國各有史郡縣各有志用以彰往法來備觀省  
昭勸戒耳昔紫陽朱夫子出守南康即詢舊志說者  
謂其知治體邑志實可闕與商邱為古宋名區地靈  
風瀉異人挺生其可紀可傳之事不一而足第恐世  
遠人湮文獻凋謝景物埋蝕昔者魯聖有歎采之無  
徵者良可悼哉不佞于順治十年簡授茲土甫八境  
知商邱荒旱頻仍瘟疫疊見兼苦於兵燹之慘千家  
竈冷萬井石田嗟呼今日之商邱非復昔日之商邱

矣余履冰數載撫殘黎而醫凋瘵將欲有所興革舊  
乘盪佚典章莫稽余用是憮然曰安得耆父詳備紀  
載能話數世興亡纂勒成帙上之當事公卿未有不  
聞於黼座曰商邱之戶口土田非復如舊也商邱  
之城郭人民非復如舊也商邱之貢賦徭役非復如  
舊也 詔責民牧培養而安全之將見百年之後禮  
樂可興風移俗易蒸蒸大治所借邑乘以備輜軒之  
採者顧不重歟曩有博學賈子開宗留心今古從江  
南携商邱舊志一部示余不佞即錄其殘編藏之笥

中欲為增修奈都人士甫出湯火而大兵大差絡繹不絕為今者風塵牛馬僕僕供應非不縈念及此顧亦我躬不遑爾幸蒙督撫部院賈公綏輯中州欲覽皇圖察興廢稽土田周知民隱洞悉賦役而尤為蒐羅遺編博考文獻以廣當守照臨之所及此真握機樞而崇文治深得紫陽先生之旨而更大之余亦求為獻納而不可得今果為上之檄而欲採之修之矣詎非盛世不朽之事哉余凜凜奉命乃筮曰開局具禮躬謁邑人令翰林院侍講李公自孝廉徐子作

肅明經賈子開宗察子覺春徐子隣唐諸生陳子致  
皆博學宏才彬彬名士爰檢昔日所錄殘編踵事增  
華分章纂修閱數月而邑志成焉其間政事之因革  
損益品類之盛衰消長時地之亨屯變遷人物之忠  
孝廉節雖不于此盡悉而合以前數千百年所紀可  
謂無刺義矣因詳舊志之修出於明萬曆十年邑令  
呂乾健毀於崇禎壬午之春遭寇亂也今復修於順  
治十五年之秋月

舊志序

邑人李 目

商邱舊志十卷明吏部尚書宋公懋撰始歸德府為州未有邑也嘉靖二十四年始改為府而商邱建焉又三十年而宋公為志然其意詳於田賦而畧於藝文非略於藝文也言土宜所急也以為商邱濱河水患無歲無之其徙而南也則漂沒數百里其不徙而溢而南也猶漂沒數十里且南不通毫而待其白酒焉又壅浸數年雖與閑封之蘭陽之杞山左之曹單諸邑同罹其患而一西一北彼高此下因地勢形詩

所謂南東其畝也至於河或北徙則又夫役埽料之不可量焉公之苦心為商邱慮深且遠也至于人物節孝寔失出勿失入柳子厚所謂本之太史以著其潔公其有焉其後幾八十年而撫軍賈公以國家方議禮制度徵求天下志乘以成一代大典檄郡邑修之邑侯劉公哀集成書屬余裁定余請告里居杜門養疴惟時取古人論道諸書以自箴規何敢旁及然余謬附史館又志闕桑梓誼不容辭且生長斯土鹵滂素語兼稟性迂拙三代直道硜硜不移則又不

敢溢一辭焉其詳于田賦而畧于藝文也曰惟宋公  
是述其人物節孝寔失出勿失入也曰惟宋公是述  
若夫春秋一書持寒暑之平以中養物賦役謹錄褒  
貶徵言聖人之用也游夏且退余不敏何能測其崖  
畧焉

重刻高邱縣舊志序

舊志之修在康熙四十有四年前乎此者為順治十五年其創也則前明萬曆十年邑宰為呂侯屬宋莊敏公成之後兩修之所本也當呂侯時高邱設縣歷三紀矣是邦處人才極盛之日功業彪炳文章應之於以持勝國之終而開興朝之始再修則纂述諸賢又皆一時名宿至康熙間梁苑風雅依然如昨故是書明潤婉約琅琅可讀信佳構也世之修志者率皆踵前編而繫以新製揆諸體例豈不譎然無如渾而



一之新志出而舊志廢致令前賢手筆不能獨有千秋斯足憾耳多壽承乏於茲念邑志失修久矣乃與耆老大夫薦紳先生之倫仿武功遺意為續修之舉新舊志各為一帙舊者之精神面目既還本來新者亦可自成一書合而仍分簽曰宜哉惟是兵火而後板片無存印本寥寥殘缺間之亟付手民重加剞劂其有郭公夏五不敢臆為補綴以昭敬慎至小有商榷如府志所辨穀熟非析置之類方附入續書而是編不動因歎一百八十年来長恩守護彝簡未湮與今

日遙遙相待<sup>多壽</sup>乃同諸君子商與斯役倘亦有數焉  
存乎其間也耶

光緒十一年正月

日

知商邱縣事鐵嶺張多壽序

重印商邱縣志序

客歲余長管城對於當地文獻欲  
一一研討徵求縣志存者無幾又  
以時局多艱重修不易恐就漸滅  
因倡印百部及成調任商邱詢之

紳耆日狀與鄭埒亦仿斯法加印  
百部並附最近調查概況畧序數  
言藉明源起需維縣之有志勦  
自有明其詳載一邑人情風俗文  
物典章意至善也商邱縣志重修

於遜清之末徒以鼎革而後天災人  
禍喘息靡甯未遑繼述夷考商邱即  
古宋地豫東門戶中州鎮鑰人文  
輩出古蹟昭彰開伯始封之域尼  
聖習禮之邦殺妾饗士俠烈可風

血濺桃花才人咏事方今日犯申江  
都遷洛邑軍事政治尤稱重要不  
有重印以行世安見文物之表彰

可望力排困難提倡續修使文獻  
不至從此湮沒則有待於邦人君子

之努力也是為序

民國廿一年春商邱縣縣長

沙黃正忠謹撰并志

凡例

著書必先定其體裁體裁不定書不可得而著也郡邑志雖紀一方之事而實備全史之體商邱舊志八卷分作七志而節目六十餘條七志既無總序而節目或序或不序非體也今刪七志之名而酌分四十餘條每條各序以申其義庶體裁畫一焉

條目既各具小序而舊志之論有可採掇者仍附本事後或小序所未盡而別有論議亦隨事附見亦相發明



紀年之有表此史家最有關鍵處如沿革官師科第  
非表不悉舊志無之今皆為著表觀者釐然矣故事  
歲薦太學亦概入選舉但歲薦有年可攷而太學無  
年可攷至例貢雖有貢名而其實與例監無異今歲  
貢仍入選舉而例貢例監別立懸例表以存典制  
舊志不列山川而有河渠以邑境無山也而邱陵岡  
阜之屬皆入之古蹟今中五山川一門凡河渠邱陵  
脊入高溝洫津梁皆因川澤而有者也亦併附書  
商境地兼數邑周秦以來變更多矣城池之廢興古

蹟之存亡皆攷訂史傳特加詳覈校之舊冊廻乎倍  
徒

邑本宋都宋諸城門舊見古蹟今城池詳載源流諸  
門已備列矣故古蹟中不復載

邑為中原輻輳之壤春秋至今被兵者屢矣故山川  
古蹟于兵爭之處必備書又增兵燹一條編年紀月  
以叙戰鬪職事茲土者合形勢一篇並觀則守禦之  
策未始不可未雨綢繆也

商邑賦役一例起科本無煩雜惟定其大綱則一目

了然今首叙戶口次人丁次地畝次收併衛所丁地  
次實徵總數而總數之中分起解存支二項起解項  
內則分某某衙門若干存支項內則分某某項欸若  
干而雜稅鹽引之屬附焉一開卷而催科之能事畢  
矣惟 國朝裁扣之項仍備列欸目于布政司條下  
倘後人有問昔年盈絀者猶可取而鏡也

志中人物即史家之列傳舊本頗詳略失宜今取其  
蕪者刪之率者潤之庸而無足取者汰之新收者取  
諸公論恭諸志狀稱量而為之詞不敢有所溢美若

其人現在雖名德照耀亦不立傳蓋人生品節大抵  
以身後論定者為信云

人物各區門類不下數條亦各因其所就而品之非  
敢故有所抑揚也其附傳者亦必以類從之若名臣  
之子孫附於名臣之後者未必皆名臣蓋有一節可  
錄得附父兄之次亦史家之通例耳

婦女之行死節固難而守節尤難離鸞寒鵠雨夕風  
晨此人生最不堪之境而世或有議其隱微者非長  
者之言也宋俗本尚節義而鶴亭大尹志存蘭幽雖

下屋窮簷有聞必錄此賢有司夙勵莫俗之意覽者  
勿以過多為訾

官師表祇載年歲題名有政績者立別名宦傳此體  
例也舊志混而為一今既析履歷為表宦蹟為傳合  
自章章矣若雖無崇功異政而或有善可取亦綴數  
言於題名之下選舉恩例諸表亦倣是

人物者元祇載本邑之人若仕於茲土者不瀕入人  
物志舊志有英烈一條紀唐張許守睢巢芝園宋及  
明正德嘉靖盜發事以逮崇禎乙亥壬午之變併錄

死難官民雖皆邑事也但紀非紀傳非傳頗乖體例  
今戰爭事畧載之兵燹邑人死事姓名載之祠祀而  
其人足紀者更散見各傳至表揚諸公之長篇大章  
如韓柳諸文又載之藝矣英烈一條竟為刪去

古蹟傳疑者多如龍元應入懷遠志中已辨之但桓  
榮一家久載歸志以商邑亦有龍元城之蹟耳如楚  
邱人物商邑所有者曹縣亦有之蓋楚邱故境今已  
商曹並分則人物自宜兩存桓氏一家亦姑仍舊貫  
以俟博雅者再攷

一邑人物元不必誌為某地人但今邑兼舊數邑故  
采已前皆沿史傳舊文曰某地人者以見昔之某地  
皆今之縣境也明以來則不復贅

藝文之哀約為五類曰王言曰雜文曰賦曰古體詩  
曰今體詩各分以時代以代系人而凡作俱從之惟

又又于一代中分體以體系人而凡作俱從之而要  
以有關於邑事邑地邑人者方錄若柳梅雪月諸賦  
元于三者無所屬昔人以為梁園故事而存之今亦  
未遑簡汰也

古人以圖書並稱言書必有圖也矧邑之封圻疆域  
尤非圖不晰者手茲首繪 萬壽亭照 聖澤也次  
縣治次城郭而治學遞及焉若黃河則邑之大川新  
河則邑之水利也故得並圖

附郭邑為郡治所麗有郡官郡署郡廟郡祀雖皆在



邑境而事屬于郡則郡有專志此不僭入

舊志無佚事今採于有志及宋中丞偶筆諸書補其  
闕畧但搜羅不廣不過聊備一覽爾

凡舊志序文例必附刊商志肇自呂侯乾健明季閻  
寇陷城板籍灰燼按劉侯復修時祇得賈靜子殘本  
今靜子遺裔銷亡即殘本亦歸烏有僅于宋氏譜牒  
中錄得宋莊敏跋一篇內已注闕三十字吉光片羽  
亦同拱璧垂弁首簡以存先正典型云

松川葉澧識

修志姓氏

舊修姓名俱載入宋  
劉二序中茲不重錄

訂定

文安劉德昌後公氏

編輯

崑山葉澧蕃久氏

討論

邑人宋起喜起氏 陳宗石子萬氏

宋趙爾逸氏 葉增高子巖氏

陳璜文安氏 宋如金武修氏

校正

邑人侯

懃子力氏

鄭

廉介夫氏

葉漢封大臣氏

曹

崑根邃氏

宋

斌或治氏

楊

塤友仲氏

李

南化文氏

跋

邑人宋 鱣

商邱縣設自嘉靖乙巳越三十六年辛巳曲沃呂侯  
既治商有成政矣嘆邑乘久缺後將何述適余在告  
而沈太史氏以丁內艱亦居憂于里乃聞館禮延安  
子所止姚子植徐子紹沐赫連子應霖楊子三策張  
子問行侯子禮乾安子世鳳任分纂而屬余與沈太  
史氏總其事越明年壬午書告成余以一日長乃僭  
言于卷末曰信傳信疑傳疑史法也的然者飾其所  
本無厭然者揜其所本有譽諸繪像者弗像奚取于

像哉且見知者以為質而聞知者即以為真矣夫志  
以彰往信來而欺也可乎哉余為此

下闕三十字

飾不肖

之形以煙後世之美觀也若曰以為史法則吾豈敢

商邱縣志目錄

文安 劉德昌 重修

崑山 葉澧 編輯

卷首

萬壽亭圖 縣境圖 城圖 縣治圖 學宮圖

黃河圖 新河圖

卷之一

沿革 星野 城內形勢附 封域 公廨郵政附

山川淇源津附 風俗節序附 物產

卷之二

賦役 鹽引附

卷之三

學校 災祥 兵燹 古蹟 第宅 陵墓

卷之四

祠祀 坊表 寺觀 帝王 封建

卷之五

官師 名宦

卷之六

選舉

卷之七

恩例  
賜封  
武科

卷之八

聖蹟  
先賢  
名臣

卷之九

賢達  
儒林  
文苑

卷之十

武功  
隱逸  
忠烈  
孝友  
卓行  
流寓



方技 仙釋

卷十一

列女

卷十二

藝文 五言

卷十三

藝文 漢至唐  
雜文

卷十四

藝文 宋元  
雜文

卷十五

藝文

文明  
禱文

卷十六

藝文

國朝  
禱文

卷十七

藝文

賦

卷十八

藝文

古體  
詩

卷十九

藝文

近體詩  
著書附

卷二十

庶佚

商邱縣志卷之一

沿革

商為閼伯始封之墟啟有宋上公之國秦建睢陽  
漢都愛子歷代為郡國治而中包蒙薄穀熟楚邱  
諸邑明以楚邱入曹縣唯蒙薄穀熟與睢陽舊境  
皆今商邱地廢與離合論世者所必究表而出之  
開卷不瞭然耶

總部

國郡

縣

唐

豫州

商邱

封高辛子國伯

虞

豫州

商邱

封司徒契于此

一曰契初封於上各後遷於商邱上洛今陝西商州地

夏

豫州

商邱

契孫相封此

代關伯至火正八遷而至

湯成

商

豫州

商邱  
湯徒都  
南臺在都

漢殷熟縣地  
一曰在今臺

周

青州

周職方  
併徐於

宋

封微子啟  
于開伯之

青宋地在夏  
商雖屬于豫

宋墟今商邱故  
宋都也至報

而周青州之  
數曰孟諸則

王時齊楚魏  
滅之而三分

豫之東北境  
亦割入于青

其國

矣蓋孟諸  
陶宋境耳

秦

碭

睢陽

置縣  
始此

沿革

豫州  
卷十一

漢

豫州

梁國

睢陽

梁王都

東漢

豫州

梁國

睢陽

山陽郡

潁

即唐潁水漢改屬梁國

蒙

潁

晉廢

蒙

晉

豫州

梁國

睢陽

置陽縣

穀熟

建武二年分睢

高平縣志 卷之八 沿革

蒙

穀熟後廢

睢陽 大明十年改睢

陽曰壽春八年復為睢陽

蒙

睢陽

蒙 又曰北蒙 北齊廢

宋城 改睢陽 為宋城

穀熟 開皇十年復

沿革

南宋

南豫州

南梁郡

陽曰壽春八年復為睢陽

後魏

南兗州

梁郡

譙郡

梁郡

豫

隋

宋城 改睢陽 為宋城

穀熟 開皇十年復



金			宋		五代		唐	
南京路			京東西路				河南道	
歸德府	符七年 建南京	升宋州為應 天府大中祥	應天府 景德二年	此後唐改 白歸德軍	宋州 後梁宣 武軍治		宋州	
睢陽 復改為宋城		穀熟	宋	穀熟	宋城	穀熟	宋城	置

陽

穀熟

元廢省入睢陽

睢陽

明初廢省入歸

德州

明

河南布政司

歸德州

初直隸河

南布政司洪武二十二年

改隸開封府

歸德府

商邱

嘉靖二十四年

井州為府復置縣即今治

元

河南江北道

歸德府

明初降府

為州

國朝仍明制

也以闕伯  
舊封故名

星野

豫州分房心之野宋自昔主心在漢為梁國都梁  
隸豫州部分野屬心無疑而明代人有以歸郡入  
角亢之次者以明初郡隸開封故也今為之正其  
訛矣

周禮註疏史記漢書俱以房心為豫州左傳曰心宋  
之分野漢地理志曰宋地房心之分野晉天文志曰

自氐五度至尾九度為大火于辰在卯為宋之分野  
按宋本大國故自為分野觀之關伯相土皆至火正  
于此則心為宋之分野無疑矣

宋天文志曰心宿三星天王正位也中星曰明堂天  
子之位為大辰主天下之賞罰前星為太子後星為  
庶子不欲其直直則王者失勢明大則天心同心天  
下變動則心星見祥

舊志曰宋九邑雖五星而究竟心為宋之分宿天  
上一度為人間二百五千里總不出心度也明崇

商丘縣志 卷之一  
禎十四年秋天狗墜于心宿之野十五年宋郟城破殺戮十餘萬人則宋為心野之明驗不較然與

### 城池

邑各有城倚郡郭者無城非無城也郡城即邑城也商邑置郭內郡城之源流即邑城之源流也若論形勢實江淮之屏蔽而河洛之襟喉也故備採舊論以為保障者鑿

府城春秋宋國城也其城東門曰揚門

禮檀弓元公入自揚門左

傳昭二十一年宋元公以華向之亂公自揚門見公徒下而巡之漢時東門猶曰揚門又東北

門曰蒙門

左傳襄二十七年宋公及諸侯大夫盟于蒙門之外是也

南門曰盧

門

左傳桓十四年宋伐鄭取大宮之椽歸為盧門之椽又昭二十一年華氏居盧門以南里叛杜預曰

睢陽有盧門亭

東南門曰堙澤門

即孟子魯君所呼門也括地志宋東城南門曰擇門

左傳襄十七年宋皇國父為平公築臺築者謳西北澤門之楫實與我役者也魯君所呼常在此

門曰曹門

左傳成十八年鄭伯侵宋及曹門外是也

北門曰桐門

左傳襄十年楚

及鄭圍宋門于桐門又昭二十五年宋樂太心居桐門稱桐門右師又哀二十六年宋景公無子裔公孫

周之子得與啟景公卒啟孟得夢啟北首而寢于盧門之外已為焉而集與其上味加于南門尾加于桐

也門是

又外城門曰桑林門

左傳昭二十一年宋城舊郟及桑林之門而守之又

郟門或曰宋郟外門宋武公時郟班御皇父克石獲長狄緣斯宋公以門貢郟班使食其征謂之郟門是

城池

也漢梁孝王都於此

本村大梁以地卑濶徙睢陽

北征記城方三

十七里南臨濊水

即睢水

凡二十四門

漢書孝王築東苑方三百餘里

廣睢陽城七十里太康地記城方三十里

唐建中時亦為宣武軍城城有

三

長慶二年宣武叛將李齊攻宋州隔南城刺史高承簡保北二城與賊戰却之咸通十年徐賊龐勳

襲攻宋州隔南城刺史鄭處冲守北城以拒賊

宋為南京城城周十五里四

十步東二門南曰延和北曰昭仁西二門南曰順城

北曰回鑿南一門曰崇禮北一門曰靜安內為宮城

周二里三百六十步門曰重熙頒慶京城中有隔城

門二東曰承慶西曰祥輝東有關城

東面外城也

周二十

五里八十三步東南北各有一門今之將亡也以汴  
京危急謀出幸或言歸德四面皆水可以自保既而  
金主出頓歸德復走蔡州志曰舊城周十二里三百  
六十步明初少裁四分之一宏治十五年圮於水正  
德六年重築乃徙而北之今南門即舊北門故址也  
知州楊泰修周冕繼之始克竣事圍七里二分五釐  
共一千三百四丈二尺五寸高二丈頂濶二丈址濶  
三丈八年知州劉信建四門外樓四座及東南門內  
樓二座其在西北者尚缺嘉靖三十四年知府王有



為補足之又增置角樓四敵臺一十三警鋪三十二  
三十七年巡撫都御史章煥檄知府陳學夔包以磚  
門四東賓陽西堙澤南拱陽北拱辰水門二一在南  
門東知州王範建一在南門西指揮梅旻建 國朝  
康熙二十六年知縣周宗義重修復建門樓  
池距城丈餘濶五丈二尺深二丈

城隍距城一里許圍一十六里濶二丈址濶六丈一  
尺明嘉靖間巡撫都御史魏有本檄知州李應奎築  
邑人李嵩有記

隄河距隄丈餘深濶不等

舊志曰語云三里之城七里之郭城之最小者也

郡方七里不及于他郡之大邑高宗崇禎八年春

二月流寇趨宋四方村民避居于城逼狹不得容

遂環隄而守之樹以門柵編以籬木及賊破隄而

殺者萬人十二年遂因隄築城以磚砌之外圓內

方堪輿家所謂錢形金匱之象也十五年春三月

二十六日賊以百萬逼宋攻一晝夜西南門潰賊

遂入殺戮官吏士民近二十萬人河之南除開封

堅守之外百餘邑皆開門延賊而宋與陳及太康  
三處獨拒之其猶有張巡許遠之遺風與自賊破  
城而平其外郭之半而復為隄然宋隣黃河所虞  
者不獨寇也河之在秦晉與徐也從上漫之而自  
滎陽至碭山八百里則黃河明行于上濟河伏流  
于下每河衝于下則濟從九泉之下而陷焉然濟  
流有合有分其合不可禦也其分不可不禦也則  
夫城下半之砌磚者不可去也又外城東西南北  
及東南西南西北有七門焉宜塞之而人行其上

如隄之道路即黃水衝決緩急亦有可恃矣

形勢附

南控江淮北臨河濟彭城居其左汴京連于右形勝  
聯絡足以保障東南襟喉關陝為大河南北之要道  
高

按歸郡據江淮之上游為汴洛之後勁春秋時宋  
以亡國之餘爭長于山東諸侯者數百年楚漢之  
相拒滎陽成秦間也彭越為漢狗梁地往往攻下  
睢陽外黃等城絕其軍後破其積聚楚是以敗景

帝時七國之變梁實當其衝吳楚兵不敢過而西  
卒以破滅後漢初劉永擅命于睢陽號名東方居  
然強敵晉永嘉以後中原淪喪王師出于彭城梁  
宋為必經之道而揭竿之徒亦由此以震動淮泗  
蕭梁因元魏之衰嘗道出梁國席捲汴洛而不能  
保也蓋睢陽襟帶河濟屏蔽淮徐舟車之所會自  
古爭在中原未有不以睢陽為腰膂之地者唐天  
寶末張巡許遠力守睢陽以抗賊鋒賊圍益急或  
議棄城東走巡遠曰睢陽者江淮之保障若棄之

賊必乘勝長驅是無江淮也論者謂睢陽堅守既足以挫賊之鋒使不敢席卷東下又即以分賊之勢使不得併力西侵江淮得以保富庶之全力贍給諸軍賊旋當覆張許之功於是乎偉矣興元李希烈僭逆劉洽以宋州之兵西入大梁及咸通之季龐勳據彭城以倡亂勢甚張而王師厚集於宋州賊以平定宋建陪京于此其後蒙古攻金汴京遣偏師陷睢州攻歸德歸德殘破汴亦不守郡之形勢與徐汴相表裏不較然哉

封域

邑之四境各有疆界界內之民舊有居遷之異而里社因之有別數百年來河決城徙兵火數更故籍安取證手且時異勢殊經制亦迥非昔矣若夫郭內之街衢郭外之市集皆邑人貿遷熙攘之所也觀其盈虛興廢可占民之證耗焉

縣在省城之東三百里東至夏邑縣界六十里到縣一百一十里西至寧陵縣界四十五里到縣六十里南至鹿邑縣界七十里到縣一百里北至山東曹縣

界七十里到縣一百三十里東南至江南亳州界九  
十里到州一百二十里西南至柘城縣界六十里到  
縣九十里東北至虞城縣界三十五里到縣六十里  
西北至考城縣界六十里到縣一百三十里東西廣  
一百五十里南北袤一百四十里達京師陸路一千  
八百里水路二千三百里

縣領編戶二十七里曰北社曰南社曰西社曰東社  
曰東曲睢鄉曰中曲睢鄉曰西曲睢鄉曰北曲睢鄉  
曰北馬牧鄉曰中馬牧鄉曰南馬牧鄉曰東葛驛鄉



曰西葛驛鄉曰中葛驛鄉曰中信一鄉曰中信二鄉

曰寧得一鄉曰寧得二鄉

舊志曰以上為居民

曰永安一鄉曰

永安二鄉曰永安三鄉曰永安四鄉曰永安五鄉曰

永安六鄉曰永安七鄉曰永安八鄉曰永豐一鄉

舊志

曰以上為遠民

城以內街衢曰大隅首者城之中心也隅之東出賓陽門者曰義字一街二街隅之西稍北出垓澤門者曰澤字一街二街三街隅之南出拱陽門者曰元字一街二街三街四街隅之北出拱辰門者曰禮字一

街二街三街四街義字街之南出者府前曰宣化街  
稍東曰文場一街二街三街四街又東曰鳳池一街  
二街三街四街又東曰睢陽一街二街三街四街義  
字街之北出者府東曰義字三街四街五街又東曰  
孝字一街二街三街府後曰節字一街二街三街澤  
字街之南出者曰教字一街亨字一街二街三街四  
街稍西曰化字一街二街利字一街二街又西曰仁  
字一街貞字一街二街三街澤字街之北出者曰教  
字二街稍西曰化字一街二街三街四街又西曰仁

字一街二街三街四街元字街之東出者曰孝行一街二街三街稍南曰正人一街二街三街又南曰君子一街二街又南曰仁義東巷元字街之西出者曰老字一街二街三街稍南曰仁和一街二街三街又南曰利字三街四街又南曰禮義一街二街又南曰仁義西巷禮字街之東出者曰廉字一街二街三街稍北曰信字一街二街三街又北曰忠字一街二街又北曰弟字一街二街禮字街之西出者曰訓字一街二街稍北曰習字一街二街又北曰順城一街二

街又城內四週俗名皆曰馬道今孝字街睢陽街即東馬道仁字街貞字街即西馬道仁義巷東西即南馬道第字街順城街即北馬道

城以外市集東面有陳家集離城三十里平臺集離城十五里

文家集離城六十里馬收集離城四十里劉家店離城五里

侯家集離城六十里宗祿村離城七十里西面有水池鋪

離城二十里觀音堂離城四十里南面有古東集離城五里留

趙口離城十里李家口離城三十里十字河離城六十里順河集離城

四十里包公廟離城六十里沙堤集離城八十里北面

有鄧斌口離城十五里潘家口離城三十里清涼寺離城十八里

平頂堦堆離城五里鄭村離城十里高家村離城五里以上

係新增東南面有蔡家道口離城十里穀熟集離城十里四石

榴堦站離城十里濟陽集離城九里閻家集離城十五里塢塢

集離城六里宋家集離城八里柳林集離城五里營郭集離城

里七十界溝集離城九里黃塚集離城九里杜家集離城六

馬頭寺離城一百里韓村店離城十五里沙土集離城五

上係新西南面有毛堦堆離城三郭村集離城三勒馬

集離城五里高辛集離城四十五里四大王廟離城十

趙段店

離城十里五里

婁靳店

離城四里十里

開花店

離城五里十里

田家

集

離城六十里以上係新增

東北面有丁家道口

離城二十里

孫家集

離城三十里以上俱舊集

朱孫集

離城十五里係新增

西北面有小壩集

離城

三十里車箱集

離城五十里以上俱舊集

謝家集

離城五里

張家店

離城

二十里三陵臺

離城十八里以上俱舊集

按舊志之稱集者祇三十有四今已加其二十可

見四十餘年生聚實林林總總矣兵革不試賦歛

不加豈不享承平之福哉

公廨

睢陽古治圯於舊城嘉靖新營亡於寇燹 國朝  
復建縣治遞年增修規制粗備至大吏按部之臺  
皇華駐節之館皆昔人經制所存也今名具而實  
亡者多矣姑存之以冀興復

縣治在城西南隅明嘉靖二十四年知縣曾騰鳳因  
舊隆興寺改建崇禎十五年流寇破宋遂遭焚毀後

皆寓于民居 國朝順治七年知縣李守功于舊志

重建十一年知縣劉之驥增修康熙三十八年知縣

劉德昌抵任復加修治煥然改觀有大門三間儀門三間

大堂五間庫樓一間在大堂東北庫房三門在大堂東退食堂三間在大堂後知

縣宅在退食縣丞縣宅在知縣主簿宅在知縣宅在知縣典史

宅在縣丞六房廊在大堂前東西戒石亭在大吏解

祠在土地迎賓館在儀土地祠在儀獄在儀旌善亭

在大門外東中明亭在大門馬廐在兩

北察院在城內東北隅嘉靖二十二年知州李應奎



古今廢

南察院在縣治東北孝行街舊為守備署明嘉靖四十年改恭將府後裁去萬曆四年又改為分守道八年復改為御史行臺崇禎十五年城陷焚毀 國朝順治十年知縣劉之驥因舊址重建康熙八年知縣祖文明重修

布政分司按察分司兵備道三署舊在南察院西明季並燬于寇 國朝順治年間知縣劉之驥曾修復其一因巡按御史被裁道員無出巡之例並亦塌毀

康熙十七年知縣朱衣貴即其故址改建縣城隍廟  
焉

歸德府在城中央稍東明嘉靖二十四年知府蔡汝  
楠因州署改建詳見府志

歸德衛在大隅首西今廢

叅將府故址即今南察院 國朝復設叅將移駐城  
東南隅民居今名兵街中軍守備署在其後

商邱驛舊在城西向係府屬今以驛務併商邱縣管  
理而驛舍亦廢

高平縣志 卷之一  
丁家道口巡檢司在城北三十里明正統十年僉事  
柴華奏設知州衛庸建嘉靖三十五年裁管河主簿  
之在丁家道口者改其署為巡檢司而巡檢舊署廢  
今巡檢亦裁署廢

濟陽公館在濟陽鎮明嘉靖二十一年知州李應奎  
創建萬曆六年知縣呂乾健重修今廢

舊志曰國語單襄公曰雨畢而除道水涸而成梁  
草木節解而備藏隕霜而冬裘具清風至而修城  
郭宮室此先王所以不用財賄而廣施德于天下

者也幽風曰我稼既同上入執宮功兵戈以來公署久廢皇華之使至權厝民居騷侮侵凌無以寧處今一統車書之盛非復曩日倘能重葺諸公解以寧使節非特賓至如歸而居處之家亦安如磐石矣

預備倉在縣治後明知縣翟繡裳建今廢

預備新倉在縣治西北廠房計十五間明知縣呂乾健建

國朝康熙三十二年知縣周宗義增建廠房九間

常平新倉在縣治西與舊倉相對康熙三十三年河

南巡撫侍郎顧沂捐銀二百兩檄知縣周宗義建殿  
房二十九間

義倉在縣學前明知府邵惟中建今廢

民教場在西隄外稍南

濶六十五步長一百一十一  
步計地三十畝六釐二毫正

堂三間後

堂三間

軍教場在外城西南門內地五頃餘舊有營房數百  
間今多賃為民居

舖舍有總舖在府治西金

舖歡垵舖李二舖

以上

東徐村舖高辛舖

以上  
南路

舖木池舖

以上  
西路萬戶

林鋪路北今雖頗有鋪兵而鋪舍久廢矣

郵政附

養濟院舊在東門外城下嘉靖二十六年知府李念建今移南門外孫家隅首東

惠民藥局在縣治東

漏澤園在城西南一里許計地十一畝八釐明知府劉信置

舊義塚三一在北隄下計地四分明知府閔材置一在

東隄下計地八畝五釐明知府陳洪範置一在城西大路北

計地十畝國朝知縣胡揚俊置

新義塚一在城北 國朝康熙三十三年城壕涸知  
縣周宗義見城東枯骨千餘具查係明壬午流寇所  
傷惻然憫之遂葬于此立石識焉

### 山川

邑本平壤所謂幸山者一叢土耳而曰邱曰岡亦  
山之屬也川則黃河逸其後睢汴貫其中或疏或  
塞邑境係休戚焉更溝洫津梁皆麗於山川者也  
况前人遺澤興廢亦未可漫然故並錄之以俟後  
幸山在城南三里宋靖康元年高宗自濟州趨應天

府命築臺于府門之左受命即皇帝位於此

商邱在城西南三里高八十八尺周二百步說者謂邱之精氣上應列星世傳闕伯臺即是邱也

滂邱在城北十餘里有磚塔明永樂十三年圯于水楚邱在城北四十里按楚邱春秋時為宋邑秦置己氏縣隋改楚邱自隋迄金俱屬宋郡至元始改屬曹州明初縣省按其故境今入曹縣者半而入商邱者半是以唐宋人物兩縣並志

穀邱在城南四十里春秋桓公會宋公盟于穀邱即



此

青岡在城西南二十五里

杏岡在城東南五十里

黃河在城北三十里丁家道口東北達徐州

舊志曰黃河為商邱大害土弱地勢卑民貧無恒  
產百年之間輕者三溢重者兩溢溢則房舍鷄犬  
湮沒一空又無高阜山陵可以暫救民命墳墓衝  
擊變遷搖動雖神禹復生莫能施其智于一邑也  
長此大害與天地相終始前之仁人君子惟有減

賦輕徭補救造化即黃河兩岸北如曹單西如蘭  
儀無不同惟此患而商獨苦故歲修之工日無暇  
休而協濟夫役不減他邑田之荒者既告墾墾之  
熟者旋成荒濱河而不敢引水雨大則二灘汪洋  
時稍豐下水去之易偶儉上水挽之難有害無利  
土著維艱議者倣浙中圩田之制兼以上古溝洫  
法家自為區人自為隄河口衝激之處不過數十  
武漫衍寬平纔深尺許者可不及于患然而人憚  
作始歲久乃集則又賴良有司之興創而非士民

之所得而私議者也

賈魯河在城西北四十里元工部尚書賈魯督修因  
名

沁河在城北三十五里源出縣山今為黃河所併  
清河俗稱清河嘴乃賈魯河入沁之處

潦河在城西北四十里

白河在城東三十五里經夏邑永城達于小黃河

汴河在城南五里或云即浪蕩渠源出滎陽縣大石  
山元至元中淤嘉靖中曾疏之今復成平陸矣

馬腸河在城西南二十五里舊黃河之支流

新河在城南知縣周宗義所濬詳見圖說

沙河在舊城南門外源出汴入亳

團陽河在城西南十八里

元明河在城南五里相傳宋太祖為歸德軍節度使嘗飲馬于此又云飲馬池

隕石河在城北一名漆溝春秋隕石于宋互相傳水涸時五石宛然

南湖在城南五里相傳為梁孝王園池故址宋晏元

獻放馴鷺于湖中蘇轍有記

白沙渠在府東又有石梁渠宋張元知應天府治此  
二渠民無水患

趙渠在府東南志云卽賈魯所開大河故瀆也自商  
邱虞城而東達蕭縣至徐州明嘉靖末始北徙萬曆  
初總理河道尚書潘季馴議復開之以骨重而止二  
十六年總河劉東星復濬趙渠功未竟而卒

孟諸澤在府東北接虞城縣界今虞城縣西北有孟  
諸臺亦故澤地也禹貢導荷澤被孟諸爾雅十數宋

曰孟諸左傳僖二十八年楚子玉夢河神賜以孟諸  
之糜又文十年宋道楚子田孟諸哀十四年宋皇野  
語向巢迹人來告達澤有介糜焉或曰達猶遇澤即  
孟諸周禮謂之望諸史記謂之明都漢志謂之盟諸  
睢水在府城南至開封府陳留縣東南經睢州寧陵  
縣之南流入境又東至夏邑永城之南而入江南徐  
州南界春秋僖十九年宋襄公用鄫子於次睢之社  
成十五年宋華元討蕩澤之亂其黨魚石等出舍于  
睢上元止之不可則決睢澗閉門登陴以備之魚石

等皆奔楚漢建安七年曹操軍譙遂至浚儀治睢陽  
渠胡氏云睢水於浚儀首受浪蕩水東過睢陽故曰  
睢陽渠一云睢水即濊水

澮水述異志云睢渙二水謂之澮水今武津關有澮  
河故道

渙水亦汴水之支流也或云即濊水東南流入水城  
界出江南宿州又有黃水穀水推水涑水遼水潒水  
皆在宋境今無可考

黑龍潭在城西北一里水黑因名今淤又小埧西亦

有黑龍潭

溝洫 附

流臘坡溝

長十五里

焦家洼溝

長五里

靳家店溝

長三十里

毛堽

堆集溝

長三里

桃園鋪溝

長三里

今古寺溝

長二十里

營郭集

溝

長七里

婁家店溝

長五里

馬收集溝

長一里半

高辛集溝

長八里

里順河集溝

長五里

以上廣各一丈深淺隨地勢不一

俱知縣呂乾健督民疏濬古宋集溝

廣一丈長二十里

達於

李家口河知縣吳允中所開以疏水者至今賴之

舊志曰溝洫古制也久與井田俱廢矣然其利有



見于一方者若呂侯吳侯所濬之溝是也可見水  
潦雖屬天行疏導則在人力况商邑廢河縱橫甌  
脫百里若踵事增修因勢疏濬境內永無波沉之  
虞矣君子苟存心于利物所在開成寧止一溝洫  
已哉

津梁

附

武津關在城東南三十五里路通徐臺明初設有巡  
檢司久廢

先春橋在東門外

沂洛橋在西門外

拱極橋在北門外

通濟橋在舊城南門外跨沙河明鎮撫夏亨孝子揚  
敬建久圯

五里橋在城東五里

海鴈橋在城南五里宋夏竦自青社攜二鴈置南湖  
中因名

趙興橋在城東三十里

毛仲橋在城東南二十五里俗訛為芒種橋

高郵縣志 卷之一 二十四  
水池鋪橋在城西二十里跨馬腸河

郭梁橋在城北三十五里跨賈魯河

徐段橋在城北五里久淤

張洪橋在城東北馬牧鄉跨白河張洪建因名

溫家橋在西隄外

沈公橋在城西南十八里跨馬腸河俗名薛家橋

舊志曰橋梁利涉也徒枉廢而國僑貽譏川梁蔡  
而單公以刺此亦長民者之所有事矣顧上之所  
以急民之病而捍其患與下之所跂而望以庇焉

者寧僅一橋梁也哉廣而行之是必有道矣

風俗

山澤之氣行乎風仁暴之化因乎俗宋本臺都宜  
有先王遺教而時異勢殊滄桑且易位而況于人  
乎茲集古今所稱者五着于篇孔子曰擇其善者  
而從之其不善者改之將比屋可封耳至節序所  
尚與他邑大同小異亦一方之概也例得附書

宋之水輕動而清故其民簡易而好正

管子

重厚多君子好稼穡惡衣服以致畜藏

漢地理志

其俗激昂而奮厲

山堂考索

人有忠義之風本于張巡許遠之表倡

異聞集

羽俗瀟厚喜勤尚質

元地理志

士有忠義之風民有仁厚之俗

舊州志

奢靡漸熾游惰間出重名節敦道義君子所長健訟

闕奉禮教細民之短

續州志

宋土平衍民風瀟朴昔之君子多敦信義重廉恥雅好經術喜通賓客有明之季一時名公巨卿項背相望而雩苑文社遂與江左爭雄長彬彬手盛矣邇來

禮讓之風偷而衣冠之胄蓄睚眦較錙銖者不少矣  
詩書之道微而黷序之徒譏面墻矜佻達者亦時有  
焉夫舊族喪祭不用浮屠此伊洛之教也而停殯亦  
有十年不舉者萬金之家嫁女不滿百貫可謂婚姻  
不論財矣但婦死而婦黨事小儀不周輒訟壻以殺  
女者什而五也若夫奢其所不當奢而儉其所不當  
儉為事非一不可枚舉至于閭閻游手固無日不以  
飲博為業而世家園宅委千金于一擲者亦比比而  
然此尤俗之不戢者也唯小民急于輸將而士紳無

敢挾持公府則較他邑稱良焉

節序附

正月元日早起祝內外神拜家慶畢徧謁親友謂之拜節

三日展墓

七日俗傳關伯大正生辰男女群集于關伯臺及火  
星廟進香車馬關咽喧隘累日

上元日張燈放烟火

十六日男女出遊女歸窈母家云走百病

二月二日為龍擡頭以青灰繞布宅舍云園倉嫁果  
木以為多實

清明日加土於墓挂紙錢設牲醴祭奠

四月十八日北闕泰山行宮大會

五月五日食角黍飲雄黃菖蒲酒塗小兒耳目鼻口  
曰避毒蟲貼符挿艾餽師遺女

六月六日早取水不腐用以造麩則良是日曝百物  
則蟲不蛀

七月七日乞巧



高丘縣志  
卷之一  
十五日辰墓

八月十五日餽師遺女晚供瓜餅家慶合歡謂之圓月

九月九日賞菊登高餽師遺女

十月一日辰墓罷傭作

十一月冬至日祭先拜冬

十二月八日以諸菓品煮粥曰臘八粥髡小兒

二十三日掃舍祭竈

除夕貼門神畫桃符而嫁娶之失時者輒于是夕行

之以為諸神不在百無禁忌云

物產

商邑土莽人推無丹漆金錫之饒無奇技淫巧之  
玩五穀六畜蔬菜魚蟲皆他邑所同也若盡舉而  
削之則無一可見矣今仍其舊而至瑣者忽焉

穀之屬有粟

其種不一古粟之精者曰梁今俗統名曰穀

稷者一名稌黍

有飯黍黏黍二種

稻

水旱二種

麥

小麥曰來大麥曰牟

蜀秫

蕎麥

脂麻

俗作芝

萊豆

黃豆

青豆

黑豆

花豆

碗豆

穆

音衫一名龍爪粟俗名鴨爪牌

貨之屬有絲 綿絮 綿紬 絹 布 蜜 硝

黃蠟 白蠟 靛 小藍 麻油 菜油 蒜

蔬之屬有葱 韭 芹 芥 蒜 茄 白菜 蒲

芋頭 雲臺 蒿 薺 苦一作茶俗名西曲菜 莧菜 瓠

蘿蔔紅白二種 菠菜 蒿苳 蔓菁 馬齒菜 生菜

芡菱 甘露 蓂蓬 胡蘆 磨菇 土豆 眉豆

刀豆 豇豆 扁豆

瓜之屬有王瓜 西瓜 冬瓜 甜瓜 苦瓜

菜瓜 稍瓜 南瓜 地瓜 絲衣

果之屬有桃 李 梨 杏 梅 棗 柿 柰

石榴 沙果 蘋果 花紅 櫻桃 核桃 葡萄

蓮房 羊棗 藕 無花果 文官果

木之屬有桑 槐 榆 柳 椿 棠 檜 栢

柘 桐 楮 楊 竹 椒 槿 杞 棟 楸

檉 冬青

花之屬有牡丹 芍藥 菊 葵 臘梅 白梅

紅梅 綠萼梅 海棠 荼蘼 薔薇 丁香

芭蕉 棟棠 芙蓉 萱 迎春 月季 寶相

玉簪 鷄冠 荷花 石竹 百日紅 紫荊

夜合 牡丹 松丹 卷丹 玉堂春 小桃紅

山丹 凌霄 木香 水仙 秋海棠 瑞香

木槿 金沙 金盞

草之屬有苜蓿 葦 蓼 蘆 荻 藻 茅 蔓

莎 蒿 稗泥勝之曰稗中有未搗取炊食不減粟未又可釀作酒 連節

馬蘭 繡壁

藥之屬有木瓜 草麻 大麻 蟬退 蠶蠶

蠶蛾 地黃 朱葭 懸蘆 括萋 牽牛 薄荷

山藥 地榆 茴香 紅花 蒺藜 菖蒲 艾

商陸 豨薺 南星 瞿麥 牛膝 紫蘇 大薊

馬勃 甘菊 地丁 杏仁 桃仁 蒼耳 栝實

臙荊 三棱 荊芥 天仙子 蛇床子 決明子

楮實子 枸杞子 香附子 桑白皮 藍母艸

麥門冬 夏枯艸 白連蕊 金銀花 錯牙艸

蒼朮仁 蒲公英 兔絲子 地骨皮 天花粉

天門冬 佛座心 透骨艸 酸棗仁 欵冬花

旱蓮艸 夜明沙 玉不留行

禽之屬有鵠 鴨 鷄 雁 鷓 鴒 鷓 鴒 鴒

烏 雉 瓦鵲 喜鵲 紫燕 黃鸝 鷓鴣

鵲 鵲 畫眉 蠟嘴 鷺鷥 鵲 啄木 班鳩

布穀 鶴 鴉 麻鵲 黃雀 鴉俗名發嘴

獸之屬有牛 馬 羊 騾 驢 豕 犬 猫

兔 狐 獾 貉 鼠 蝟 地羊 獾 蒼

魚之屬有鯉 魴 鯽 鮎 鱸 鼈 鰻 白鯪

蟲之屬有蜂 可以可以蜂 蠟 蠟可以燭蠟蠟本蟲屬土

久而熱之其膏明潔如碧亦  
白而燒為洗燭者所必資

以上三蟲有裨世取其他蚊蠅之類皆世所共且  
為物甚微而又無所益于用舊本雖有今志不備  
書

牡丹非商產也南威于亳北威于曹商界曹亳之  
間好事者往往藝之以供清玩而邇來頗聞於四  
方徵求者麇至而佳種鮮存矣木瓜本產虞城商  
以接壤故亦稍植之近亦有官瓜之採焉





高邱縣志卷之二

賦役

則壤定賦計口科徭此不易之經也高邑田糧丁  
稅皆準于一則故民易從而樂輸然而終歲勤動  
家不加饒一遇災稔流殍立告是時人鮮蓋藏而  
耕九餘三之道未講也後之司牧可不念諸

通縣原額戶口無照今實在貳萬五千五百五拾陸  
戶陸萬貳千肆百叁拾口

原額人丁貳萬五千五百五拾陸丁逾額人丁捌千

叁百玖拾伍丁除紳衿屢免陸百壹拾玖丁外實在  
行差人丁叁萬叁千叁百叁拾貳丁每丁一例派銀  
叁分該丁銀玖百玖拾玖兩玖錢陸分

原額地陸千五百柒拾頃貳拾陸畝壹分五厘玖毫  
陸絲貳忽五微內除堤壓河占縲縲等地壹千壹百  
貳拾捌頃五拾捌畝柒分肆厘玖毫陸絲貳忽五微  
實在行糧熟地五千肆百肆拾壹頃陸拾柒畝肆分  
壹厘

原額銀貳萬陸千貳百陸拾貳兩貳錢陸分玖厘捌

毫壹絲柒忽叁纖貳沙肆塵壹埃又明萬曆年間每  
畝加增銀玖厘併補徵漕耗黃丹等項每畝派銀五  
分捌厘叁絲柒微肆纖壹沙壹塵貳渺叁漠貳仄過  
閏照依賦役則例每畝派銀壹厘肆毫捌絲五忽壹  
纖捌沙貳渺壹漠於 國朝康熙肆拾叁年貳月內

奉文每畝分徵漕項輕折銀五厘壹毫捌絲玖忽貳  
微陸纖陸沙壹塵玖埃貳渺玖漠壹仄共實徵銀叁  
萬肆千玖百柒拾兩肆錢柒分五厘叁毫柒忽叁纖  
貳沙肆塵壹埃過閏加額共銀玖百叁拾捌兩陸錢

陸分柒厘肆毫內有漕項輕折共銀貳千捌百貳拾叁兩捌錢貳分玖厘五毫肆絲肆忽

又原額內有堤壓河占等地清丈並自首出退灘熟地捌百柒拾玖頃貳拾肆畝壹分陸厘貳毫貳絲玖忽肆微每畝派銀五分柒厘貳毫陸絲壹忽叁微柒纖玖沙叁塵柒埃肆渺壹漠遇閏照依賦役則例每畝派銀壹厘肆毫捌絲五忽壹纖捌沙貳渺壹漠共實徵銀五千叁拾肆兩陸錢五分捌厘捌毫過閏加額銀壹百叁拾兩五錢陸分玖厘

又新收更名地玖頃五拾柒畝五分陸厘捌毫除補  
徵等項不徵外每畝派銀五分柒厘貳毫陸絲壹忽  
叁微柒纖玖沙叁塵柒埃肆渺壹漠共銀五拾肆兩  
捌錢叁分貳厘叁毫遇閏加額銀壹兩肆錢貳分壹  
厘肆毫

又收考城縣獅子庄更名地玖拾壹畝壹分陸厘每  
畝派銀五分肆厘玖毫陸絲肆忽捌纖壹沙肆塵五  
渺叁漠共派銀五兩壹分五毫遇閏加額銀壹錢玖  
分陸厘五毫貳絲

又收開封府杞縣代徵桑園廠更名地拾玖頃貳拾  
壹畝貳分每畝派銀肆分肆厘柒毫貳絲柒忽貳微  
玖纖捌沙貳塵肆埃玖渺貳漠共派銀捌拾五兩玖  
錢叁分壹毫遇閏加額銀壹兩貳錢陸分肆厘柒毫  
又收陳言廠額外荒地玖頃貳拾陸畝玖分玖厘陸  
毫柒絲每畝派銀貳分肆厘今全熟共派銀貳拾貳  
兩貳錢肆分柒厘玖毫貳絲捌微

又收程朋等伍廠額外荒地共五百壹拾五頃捌拾  
畝柒分叁厘叁毫陸絲今全熟每畝派銀壹分叁厘

陸臺陸絲貳忽共派銀柒百肆兩玖分陸厘肆絲貳忽壹微陸纖肆沙柒塵叁埃

又額外宣武衛地陸頃捌拾玖畝每畝派銀叁分叁厘共派銀貳拾貳兩柒錢叁分柒厘

以上三款遇閏並無應加閏月款項亦無外加閏月銀兩

收併宣武衛原額人丁拾叁丁內分上下則叁丁每丁派銀叁錢五分下上則陸丁每丁派銀貳錢五分下中則叁丁每丁派銀壹錢五分下下則壹丁派銀



五分以上肆則人丁共派銀叁兩五錢

原額地拾壹頃捌拾畝全熟每畝派銀貳分壹毫  
陸絲捌忽叁微五纖壹塵陸埃捌渺肆漠共派銀貳  
拾叁兩玖錢陸分遇閏加額銀玖錢玖分

收併歸德衛原額人丁貳千五百壹拾貳丁又逾額  
人丁壹千五百叁丁原額丁銀無照今準民丁起科  
每丁派銀叁分共派丁銀壹百貳拾兩肆錢五分  
見故軍屯地叁千肆百五頃柒拾貳畝每畝派銀壹  
分陸厘共派銀五千肆百肆拾玖兩壹錢五分貳厘

過閏加額銀肆拾陸兩陸錢叁分捌厘玖毫玖絲叁忽

又軍屯自首地壹頃陸畝肆分柒厘五毫每畝派銀壹分陸厘共派銀壹兩柒錢叁厘陸毫過閏加額銀壹分肆厘五毫捌絲壹忽

又官舍原額籽粒地玖百貳拾五頃柒拾叁畝陸分肆厘每畝派銀貳分玖厘共派銀貳千陸百捌拾肆兩陸錢叁分五厘五毫陸絲過閏加額銀貳拾貳兩玖錢捌分捌厘叁毫柒絲陸忽

又官舍籽粒自首地玖畝五分每畝派銀貳分玖厘  
共派銀貳錢柒分五厘五毫遇閏加額銀貳厘叁毫  
陸絲

又條鞭籽粒地陸拾捌頃捌拾玖畝每畝派銀叁分  
共派銀貳百陸拾兩陸錢柒分遇閏加額銀壹兩柒  
錢陸分捌厘捌毫柒絲柒忽

又宗祿籽粒地肆百肆拾壹頃每畝派銀叁分共派  
銀壹千叁百貳拾叁兩過閏加額銀壹拾壹兩叁錢  
貳分叁厘肆毫捌絲肆忽

又宗祿籽粒自首地貳頃陸拾玖畝柒分全熟每畝  
派銀叁分共派銀捌兩玖分壹厘遇閏加額銀陸分  
玖厘貳毫五絲

收併睢陽衛新增熟地肆拾畝每畝派銀肆分肆厘  
壹毫壹絲貳忽叁微捌纖捌沙共派銀壹兩柒錢陸  
分肆厘五毫

又保役熟地貳頃肆拾貳畝柒分每畝派銀叁分叁  
厘貳毫壹絲貳忽叁微捌纖捌沙共派銀捌兩陸分  
陸毫五絲以上二項遇閏並無應加閏月款項亦無

外加閏月銀兩

縣衛通共丁地實徵起存本折扣解優免並補徵漕  
耗銀未黃丹及更名衛所等項共銀肆萬捌千叁百  
叁拾玖兩叁錢貳分叁厘五毫五絲捌忽玖微玖纖  
柒沙壹塵肆埃遇閏加額銀壹千貳拾五兩柒錢叁  
分五厘玖毫肆絲壹忽

起解司道府廳銀共肆萬肆千肆百叁拾捌兩叁錢  
陸分捌厘貳毫陸絲叁忽貳微肆纖柒沙壹塵肆埃  
遇閏加銀柒百肆拾兩玖錢肆分五厘玖毫壹忽

布政司項下

稅糧等折色起運銀壹萬五千陸百肆拾五兩  
叁錢肆分肆厘叁毫柒絲柒忽貳微壹纖玖沙  
玖塵壹埃遇閏加額銀壹百五拾肆兩壹錢柒  
分柒厘貳毫玖絲叁忽

堤壓河占地內清丈並自首出退灘熟地徵銀  
五千叁拾肆兩陸錢五分捌厘捌毫遇閏加額  
銀壹百叁拾兩五錢陸分玖厘

逾額丁銀貳百五拾壹兩捌錢五分

扣優免丁糧銀壹千貳百貳拾叁兩玖錢陸分  
黃丹餘剩銀五兩玖錢捌分貳毫五絲  
牛角餘剩銀貳拾壹兩

新收更名及額外程朋等廠五項共徵銀捌百  
玖拾五兩肆錢五分叁厘捌毫陸絲貳忽玖微  
陸纖肆沙柒塵叁埃過閏加額銀貳兩捌錢捌  
分貳厘陸毫貳絲

所丁地起運銀玖千捌百叁拾兩捌錢叁毫  
壹絲過閏加額銀捌拾叁兩柒錢玖分五厘玖

毫貳絲壹忽

裁扣存留項下應解銀叁千壹百貳拾貳兩肆  
錢壹分肆厘叁絲過閏加額銀壹百玖拾五兩  
壹錢貳分陸厘玖毫陸絲柒忽

內修理 龍亭原額銀壹兩貳錢柒厘  
陸毫叁絲 ○提學道心紅紙張原額銀五拾兩

實徵銀肆拾五兩叁錢捌分壹厘玖毫 ○本府  
心紅紙張原額銀拾貳兩五錢實徵銀拾壹兩

叁錢肆分五厘五毫 ○修理刑具原額銀捌錢  
叁分實徵銀柒錢五分叁厘叁毫 ○糧捕通判

心紅紙張原額銀貳拾兩實徵銀拾捌兩壹錢  
五分貳厘柒毫 ○理刑推官俸原額銀貳拾柒

兩肆錢玖分實徵銀貳拾肆兩玖錢五分玖毫  
○心紅紙張原額銀貳拾兩實徵銀拾捌兩壹



錢五分貳毫柒毫。步快肆名工食原額銀貳  
拾肆兩貳錢銀貳拾壹兩柒錢捌分叁厘叁毫  
。燈夫貳名工食原額銀拾貳兩貳錢壹分柒  
捌錢玖分壹厘陸毫。本府照磨所俸原額銀  
拾玖兩五錢貳分貳厘。本府司獄司俸原額  
陸壹毫。本府司獄司俸原額銀拾玖兩五錢  
貳分貳厘。本府司獄司俸原額銀拾玖兩五錢  
貳分。本府司獄司俸原額銀拾玖兩五錢。本  
府司獄司俸原額銀拾玖兩五錢。本府司獄司  
府教官三員裁解貳員原額銀叁拾玖兩肆分  
實徵銀叁拾五兩肆錢叁分肆厘貳毫。齊夫  
陸名裁解肆名工食原額銀肆拾捌兩貳錢  
肆拾叁兩五錢陸分陸厘陸毫。門斗五名裁  
解貳名工食原額銀拾肆兩肆錢貳分肆厘叁  
兩柒分。喂馬草料裁解貳員原額銀貳拾肆  
兩貳錢捌分叁厘叁毫。本  
兩實徵銀貳拾壹兩柒錢捌分叁厘叁毫。本  
縣心紅紙張原額銀貳拾兩貳錢貳分肆厘叁  
錢五分貳厘柒毫。修理藍倉原額銀貳拾兩  
實徵銀拾捌兩  
實徵銀拾捌兩壹錢五分貳厘柒毫。本縣教  
諭門斗五名裁解貳名工食原額銀拾肆兩肆

錢實徵銀拾叁兩柒分。○本縣訓導俸原額銀叁拾壹兩五錢貳分實徵銀貳拾捌兩陸錢捌厘柒毫。○本縣訓導齊夫陸名裁解叁名工食原額銀叁拾陸兩實徵銀叁拾貳兩陸錢柒分肆厘玖毫。○喂馬草料原額銀拾貳兩實徵銀拾兩捌錢玖分壹厘陸毫。○馬哨手拾貳名原額銀壹百柒拾貳兩捌錢實徵銀壹百五拾陸兩捌錢叁分玖厘柒毫。○司前走遞外皂陸拾伍名原額銀肆百陸拾捌兩實徵銀肆百貳拾肆兩柒錢柒分肆厘壹毫。○司前走遞擯夫實徵銀內該扣解裁扣銀玖拾兩。○商邱驛馬柒拾匹內實徵銀該扣解裁扣銀叁百叁拾陸兩陸錢。○協濟驛站原額銀壹千壹拾叁兩捌錢壹分五厘實徵銀玖百貳拾兩壹錢柒分五厘玖毫。○本府倉參餘剩原額銀叁萬壹千肆百肆拾柒兩柒錢捌分叁厘陸毫。○本府倉未餘剩原額銀肆萬肆千肆百肆拾柒兩柒錢捌分肆厘肆毫。○縣學生員李孝花

紅紙筆原額銀貳拾兩五錢實徵銀拾兩陸  
錢陸厘陸毫。○提學道歲考等項原額銀柒拾  
五兩實徵銀陸拾捌兩柒分貳厘捌毫。○迎送  
府學新進生員花紅等項原額銀拾兩實徵銀  
玖兩柒分陸厘叁毫。○迎送縣學新進生員花  
紅等項原額銀拾兩實徵銀玖兩柒分陸厘叁  
毫。○學道搭棚原額銀叁兩柒錢五分實徵銀  
叁兩肆錢叁厘陸毫。○縣學修理原額銀叁拾  
兩實徵銀貳拾柒兩貳錢貳分玖厘壹毫。○六  
忠微子等廟修理原額銀貳拾兩實徵銀拾捌  
兩壹錢五分貳厘柒毫。○修城原額銀五拾兩  
實徵銀肆拾五兩叁錢捌分壹厘捌毫。○社稷  
壇修理原額銀拾兩實徵銀玖兩柒分陸厘叁  
毫。○養濟院修理原額銀拾兩實徵銀玖兩柒  
分陸厘叁毫。○各院守巡等項原額銀叁拾兩  
實徵銀貳拾柒兩貳錢貳分玖厘壹毫。○察院  
守巡等項原額銀拾兩實徵銀玖兩柒分陸厘  
肆毫。○本縣公用會原額銀叁拾兩實徵銀貳

拾銀兩貳錢貳分玖厘壹毫。○縣義倉修理原  
毫。○新官到任祭河等項原額銀捌兩貳錢  
柒兩貳錢陸分壹厘壹毫。○迎春酒席原額銀  
拾捌兩貳錢陸分陸厘。○分肆陸毫。○  
縣學教官到任原額銀陸兩貳錢陸分肆厘。○  
肆分五厘捌毫。○府學應試生員盤費花紅酒  
席原額銀叁拾五兩貳錢陸分。○  
分柒厘叁毫。○縣學應試生員盤費花紅酒席  
原額銀叁拾五兩貳錢陸分。○  
柒厘叁毫。○府學歲貢生員盤費原額銀肆拾兩貳  
錢陸分陸厘。○  
費原額銀貳拾兩貳錢陸分。○  
厘柒毫。○府學歲貢車脚原額銀捌兩壹錢五分貳  
柒兩貳錢陸分壹厘壹毫。○府學起貢生員盤  
費酒席原額銀拾五兩貳錢陸分。○  
分肆厘陸毫。○縣學起貢生員盤費酒席原額  
銀柒兩五錢貳分陸厘。○

士坊牌原額銀陸兩貳錢陸分五厘實徵銀五  
兩陸錢捌分陸厘叁毫○舉人坊牌原額銀拾  
陸兩陸錢實徵銀拾五兩陸分陸厘捌毫○新  
舉人車脚原額銀貳兩壹錢肆分柒厘叁毫叁  
絲實徵銀壹兩玖錢肆分玖厘○科場原額銀  
拾叁兩捌錢實徵銀拾貳兩五錢貳分五厘肆  
毫○奉文遇科舉年加派舊舉人車脚盤費原  
額銀貳百柒拾玖兩五錢實徵銀貳百五拾叁  
兩陸錢捌分肆厘五毫○奉文遇科舉年加派  
新舉人坊牌原額銀五兩玖錢叁分捌毫肆絲  
實徵銀五兩叁錢捌分叁厘壹毫○武舉路費  
原額銀柒錢貳分柒厘陸毫實徵銀陸錢陸分  
肆毫○如遇閏月年本府知府閏月俸分派原  
額銀五兩壹錢柒分肆毫實徵銀五兩壹錢五  
分捌厘柒毫○糧捕通判閏月俸分派原額銀  
貳兩玖錢五分五厘實徵銀貳兩玖錢肆分捌  
厘叁毫○河捕通判閏月俸分派原額銀貳兩  
錢五分五厘實徵銀貳兩玖錢肆分捌厘叁

亮○經應閏月俸分派原額銀貳兩壹分陸厘  
捌毫實徵銀貳兩壹分貳厘○照應閏月俸分  
派原額銀壹兩陸錢貳分陸厘柒毫實徵銀壹  
兩陸錢貳分叁厘○統料可閏月俸分派原額  
銀壹兩陸錢貳分陸厘柒毫實徵銀壹兩陸錢  
貳分叁厘○教授閏月俸分派原額銀壹兩陸  
錢貳分陸厘陸毫實徵銀壹兩陸錢貳分貳厘  
玖毫陸絲柒忽○知縣閏月俸原額銀叁兩柒  
錢五分實徵銀叁兩柒錢肆分壹厘五毫○縣  
丞閏月俸原額銀叁兩叁錢叁分叁厘叁毫實  
徵銀叁兩叁錢貳分五厘柒毫○管河主簿閏  
月俸原額銀貳兩柒錢五分叁厘貳毫○典史閏月俸原額  
銀貳兩陸錢貳分陸厘柒毫實徵銀貳兩陸錢  
貳分柒毫○教諭閏月俸原額銀貳兩陸錢貳  
分陸厘柒毫實徵銀貳兩陸錢貳分柒毫○馬  
吹手工食遇閏月額銀壹拾肆兩肆錢貳分  
壹拾肆兩叁錢陸分柒厘肆毫○司前走遞外

定二食過閏加額銀叁拾玖兩貳錢伍分壹厘陸毫。司前走逸續夫裁扣  
過閏加額銀柒兩五錢。高郵驛馬柒拾匹內  
裁扣過閏加額銀貳拾柒兩肆錢五分。協濟  
驛站過閏加額銀柒拾肆兩陸分柒厘玖  
毫貳微銀柒拾叁兩捌錢玖分玖厘玖毫

以上共銀叁萬陸千壹拾肆兩肆錢陸分貳厘  
陸毫叁絲壹微捌纖肆沙陸塵肆埃如遇閏月  
年加閏銀伍百陸拾陸兩五錢五分壹厘捌毫  
壹忽

糧道項下

陸捌漕折原額銀壹百肆拾捌兩五錢陸分

輕費原額銀壹百肆拾肆兩

折席原額銀陸兩叁錢

正稅本色原額米壹千捌百石外貳五加耗原  
額耗米肆百五拾石每石價銀捌錢正耗貳項  
共該銀壹千捌百兩

路費原額銀肆兩肆錢五分陸厘捌毫

潤毫銀玖拾兩潤耗米玖拾石每石價銀捌錢  
該銀柒拾貳兩銀米貳項共該銀壹百陸拾貳  
兩



臨清廣積貳倉改折運軍行糧原額米叁百石  
共該原額銀貳百肆拾兩內分半本米壹百五  
拾石半折銀壹百貳拾兩

臨清廣積貳倉改撥運軍行糧原額米壹百貳  
拾肆石柒斗貳升陸合叁勺該原銀玖拾玖兩  
柒錢捌分壹厘肆絲

外加壹原額耗米壹拾貳石柒斗貳合陸  
勺叁抄該銀玖兩玖錢柒分捌厘壹毫肆忽

德州倉改撥運軍行糧原額米貳百叁拾柒石

貳斗貳升該原額銀壹百捌拾玖兩柒錢

陸厘

外加壹原額耗未貳拾叁石柒斗貳升貳合該  
銀拾捌兩玖錢柒分柒厘陸毫

以上本折漕項共銀貳千捌百貳拾叁兩捌錢  
貳分玖厘五毫肆絲肆忽

驛鹽道項下

本縣驛站項下餘銀叁千柒百柒兩陸錢貳分  
五厘柒毫過閏加額銀內除解支外仍餘閏銀

高郵縣志 卷三十一  
壹百壹拾壹兩捌錢五分貳厘壹毫此項或解  
或撥俱係驛鹽道另核確冊隨年報銷

管河道項下

河夫原額銀壹千叁拾貳兩實徵銀玖百叁拾  
陸兩陸錢捌分壹厘貳毫遇閏加額銀叁拾五  
兩實徵銀叁拾肆兩玖錢貳分陸毫

本府項下

戶部甲字庫折色黃丹五拾貳觔玖兩該銀拾  
兩五錢壹分貳厘五毫

本色黃丹柒拾捌觔拾壹兩該銀叁兩叁錢捌  
分叁厘五毫陸絲貳忽五微又鋪墊銀捌錢陸  
分五厘五毫陸絲貳忽五微

新增黃丹銀玖兩五錢五分捌厘五毫陸絲肆  
忽陸纖貳沙五塵

顏料水脚銀叁兩玖錢玖分玖厘壹毫

工部折色牛角柒副該銀柒兩

衛所折色牛角壹厘貳毫五絲該銀壹分貳厘  
五毫

本府知府俸原額銀陸拾貳兩肆分肆厘實徵銀五拾陸兩叁錢壹分叁厘陸毫

門子貳名工食原額銀拾貳兩實徵銀拾兩捌錢玖分壹厘陸毫過閏加額銀壹兩實徵銀玖錢玖分柒厘柒毫

馬快貳名工食連馬草料共原額銀叁拾叁兩陸錢實徵銀叁拾兩肆錢玖分陸厘陸毫過閏加額銀貳兩捌錢實徵銀貳兩柒錢玖分叁厘陸毫

步快壹名之食原額銀陸兩實徵銀伍兩肆錢  
肆分伍厘捌毫遇閏加額銀伍錢實徵銀肆錢  
玖分捌厘玖毫

燈夫肆名之食原額銀貳拾肆兩實徵銀貳拾  
壹兩柒錢捌分叁厘叁毫遇閏加額銀貳兩實  
徵銀壹兩玖錢玖分伍厘伍毫

轎夫壹名之食原額銀陸兩實徵銀伍兩肆錢  
肆分伍厘捌毫遇閏加額銀伍錢實徵銀肆錢  
玖分捌厘玖毫

庫子肆名工食原額銀貳拾肆兩實徵銀貳拾  
壹兩柒錢捌分叁厘叁毫過閏加額銀貳兩實  
徵銀壹兩玖錢玖分伍厘伍毫

牙級貳名工食原額銀拾貳兩實徵銀拾兩捌  
錢玖分壹厘陸毫過閏加額銀壹兩實徵銀玖  
錢玖分柒厘柒毫

本府糧捕通判俸原額銀叁拾伍兩肆錢陸分  
實徵銀叁拾貳兩壹錢捌分肆厘捌毫

本府河捕通判俸原額銀叁拾伍兩肆錢陸分

實徵銀叁拾貳兩壹錢捌分肆厘捌毫

本府經歷司俸原額銀貳拾肆兩貳錢貳厘實  
徵銀貳拾壹兩玖錢陸分陸厘陸毫

本府稅科司俸原額銀拾玖兩伍錢貳分實徵  
銀拾柒兩柒錢壹分柒厘壹毫

本府教官壹員俸原額銀拾玖兩伍錢貳分實  
徵銀拾柒兩柒錢壹分柒厘壹毫

齋夫貳名工食原額銀貳拾肆兩實徵銀貳拾  
壹兩柒錢捌分叁厘貳毫過閏加額銀貳兩實



徵銀壹兩玖錢玖分伍厘肆毫柒絲

膳夫壹名工食原額銀貳拾兩實徵銀拾捌兩  
壹錢伍分貳厘柒毫過閏加額銀壹兩陸錢陸  
分陸厘陸毫實徵銀壹兩陸錢陸分貳厘捌毫  
教官喂馬草料原額銀拾貳兩實徵銀拾兩捌  
錢玖分壹厘陸毫過閏加額銀壹兩實徵銀玖  
錢玖分柒厘柒毫叁絲

本府廩糧銀玖拾貳兩肆錢過閏加額銀柒兩

柒錢

本府倉小麥船料原額銀貳百壹拾五兩肆錢肆分壹厘肆毫柒絲捌忽實徵銀壹百玖拾五兩五錢肆分貳厘陸毫

本府倉米船料原額銀叁拾叁兩柒錢陸分貳厘玖毫陸絲肆忽實徵銀叁拾兩陸錢肆分肆厘五毫

本府倉米兵餉原額銀拾肆兩柒錢五厘叁毫玖絲叁忽玖微實徵銀拾叁兩叁錢肆分柒厘貳毫

本府倉小麥兵餉原額銀玖拾叁兩捌錢叁分肆厘叁毫貳絲捌忽捌微五纖實徵銀捌拾五兩壹錢陸分柒厘五毫

鹿邑縣重糧原額銀壹百壹拾捌兩柒錢五分貳毫肆絲玖忽實徵銀壹百柒兩柒錢捌分貳厘壹毫

以上共銀捌百玖拾五兩捌錢陸分五厘壹毫捌絲玖忽陸纖貳沙五塵遇閏加額銀貳拾貳兩壹錢叁分叁厘捌毫

糧捕通判項下

門子壹名工食原額銀陸兩實徵銀五兩肆錢肆分五厘捌毫遇閏加額銀五錢實徵銀肆錢玖分捌厘玖毫

步快叁名工食原額銀拾捌兩實徵銀拾陸兩叁錢叁分柒厘五毫遇閏加額銀壹兩五錢實徵銀壹兩肆錢玖分陸厘陸毫

皂隸壹名工食原額銀陸兩實徵銀五兩肆錢肆分五厘捌毫遇閏加額銀五錢實徵銀肆錢

高郵縣志 卷之二十  
玖分捌厘玖毫

燈夫貳名工食原額銀拾貳兩實徵銀拾兩捌錢玖分壹厘陸毫過閏加額銀壹兩實徵銀玖錢玖分柒厘柒毫

以上共銀叁拾捌兩壹錢貳分柒毫過閏加額銀叁兩肆錢玖分貳厘壹毫

管河通判項下

步快肆名工食原額銀貳拾肆兩實徵銀貳拾壹兩柒錢捌分叁厘叁毫過閏加額銀貳兩實

徵銀壹兩玖錢玖分五厘五毫

存留本縣應支共銀叁千玖百兩玖錢五分五厘貳毫玖絲五忽柒微五纖遇閏加額銀貳百捌拾肆兩柒錢玖分肆厘

本縣知縣俸原額銀肆拾五兩實徵銀肆拾兩捌錢肆分叁厘柒毫

門子貳名工食原額銀拾貳兩實徵銀拾兩捌錢玖分壹厘陸毫遇閏加額銀壹兩實徵銀玖錢玖分柒厘柒毫

皂隸拾陸名工食原額銀玖拾陸兩實徵銀捌  
拾柒兩壹錢叁分叁厘壹毫遇閏加額銀捌兩  
實徵銀柒兩玖錢捌分壹厘捌毫

馬快捌名工食連馬草料原額銀壹百叁拾肆  
兩肆錢實徵銀壹百貳拾壹兩玖錢捌分陸厘  
肆毫柒忽遇閏加額銀拾壹兩貳錢實徵銀拾  
壹兩壹錢柒分肆厘陸毫

民壯五拾名工食原額銀叁百兩實徵銀貳百  
柒拾貳兩貳錢玖分壹厘壹毫遇閏加額銀貳

拾五兩實徵銀貳拾肆兩玖錢肆分叁厘肆毫  
燈夫肆名工食原額銀貳拾肆兩實徵銀貳拾  
壹兩柒錢捌分叁厘叁毫遇閏加額銀貳兩實  
徵銀壹兩玖錢玖分五厘五毫

禁卒捌名工食原額銀肆拾捌兩實徵銀肆拾  
叁兩五錢陸分陸厘陸毫遇閏加額銀肆兩實  
徵銀叁兩玖錢玖分玖毫

斗級肆名工食原額銀貳拾肆兩實徵銀貳拾  
壹兩柒錢捌分叁厘叁毫遇閏加額銀貳兩實



徵銀壹兩玖錢玖分五厘五毫

轎傘扇夫柒名工食原額銀肆拾貳兩實徵銀  
叁拾捌兩壹錢貳分捌毫遇閏加額銀叁兩五  
錢實徵銀叁兩肆錢玖分貳厘壹毫

庫子肆名工食原額銀貳拾肆兩實徵銀貳拾  
壹兩柒錢捌分叁厘叁毫遇閏加額銀貳兩實  
徵銀壹兩玖錢玖分五厘五毫

本縣縣丞俸原額銀肆拾兩實徵銀叁拾陸兩  
叁錢五厘五毫

門子壹名工食原額銀陸兩實徵銀五兩肆錢肆分五厘捌毫遇閏加額銀五錢實徵銀肆錢玖分捌厘玖毫

皂隸肆名工食原額銀貳拾肆兩實徵銀貳拾壹兩柒錢捌分叁厘叁毫遇閏加額銀貳兩實徵銀壹兩玖錢玖分五厘五毫

馬夫壹名工食原額銀陸兩實徵銀五兩肆錢肆分五厘捌毫遇閏加額銀五錢實徵銀肆錢玖分捌厘玖毫

本縣管河主簿俸原額銀叁拾叁兩壹錢壹分肆厘實徵銀叁拾兩五分五厘五毫

門子壹名工食原額銀陸兩實徵銀五兩肆錢肆分五厘捌毫遇閏加額銀五錢實徵銀肆錢玖分捌厘玖毫

皂隸肆名工食原額銀貳拾肆兩實徵銀貳拾壹兩柒錢捌分叁厘叁毫遇閏加額銀貳兩實徵銀壹兩玖錢玖分五厘五毫

馬夫壹名工食原額銀陸兩實徵銀五兩肆錢

肆分五厘捌毫遇閏加額銀五錢實徵銀肆錢  
玖分捌厘玖毫

本縣典史俸原額銀叁拾壹兩五錢貳分實徵  
銀貳拾捌兩陸錢捌厘柒毫

門子壹名工食原額銀陸兩實徵銀五兩肆錢  
肆分五厘捌毫遇閏加額銀五錢實徵銀肆錢  
玖分捌厘玖毫

皂隸肆名工食原額銀貳拾肆兩實徵銀貳拾  
壹兩柒錢捌分叁厘叁毫遇閏加額銀貳兩實

徵銀壹兩玖錢玖分五厘五毫

馬夫壹名工食原額銀陸兩實徵銀五兩肆錢肆分五厘捌毫過閏加額銀五錢實徵銀肆錢玖分捌厘玖毫

本縣教諭俸原額銀叁拾壹兩五錢貳分實徵銀貳拾捌兩陸錢捌厘柒毫

門斗叁名工食原額銀貳拾壹兩陸錢實徵銀拾玖兩陸錢五厘過閏加額銀壹兩捌錢實徵銀壹兩柒錢玖分五厘玖毫貳絲

喂馬草料原額銀拾貳兩實徵銀拾兩捌錢玖  
分壹厘陸毫遇閏加額銀壹兩實徵銀玖錢玖  
分柒厘柒毫

齋夫叁名工食原額銀叁拾陸兩實徵銀叁拾  
貳兩陸錢柒分肆厘玖毫遇閏加額銀叁兩實  
徵銀貳兩玖錢玖分叁厘貳毫

膳夫貳名工食原額銀肆拾兩實徵銀叁拾陸  
兩叁錢五厘五毫遇閏加額銀叁兩叁錢叁分  
叁厘叁毫實徵銀叁兩叁錢貳分五厘柒毫

本縣儒學廩糧銀五拾陸兩遇閏加額銀肆兩陸錢陸分陸厘陸毫

本府經歷司門子壹名工食原額銀陸兩實徵銀五兩肆錢肆分五厘捌毫遇閏加額銀五錢實徵銀肆錢玖分捌厘玖毫

本府儒學門斗叁名工食原額銀貳拾壹兩陸錢實徵銀拾玖兩陸錢五厘遇閏加額銀壹兩捌錢實徵銀壹兩柒錢玖分五厘玖毫貳絲

鋪司兵叁拾陸名工食原額銀貳百壹拾陸兩

實徵銀壹百玖拾陸兩肆分玖厘五毫貳絲五  
忽柒微伍纖遇閏加額銀拾捌兩實徵銀拾柒  
兩玖錢五分玖厘貳毫

修理 文廟原額銀拾兩實徵銀玖兩柒分陸  
厘叁毫

關伯臺祭祀原額銀貳兩實徵銀壹兩捌錢壹  
分叁厘叁毫

郡厲壇祭祀原額銀拾五兩實徵銀拾叁兩陸  
錢壹分肆厘陸毫



微子墓修理原額銀叁兩陸錢實徵銀叁兩貳錢陸分柒厘五毫

王家口祭祀原額銀拾兩陸分肆厘實徵銀玖兩壹錢叁分肆厘五毫

春秋祭祀原額銀壹百叁拾貳兩貳分陸厘實徵銀壹百壹拾玖兩捌錢叁分壹厘柒毫

鄉飲原額銀拾肆兩實徵銀拾貳兩柒錢陸厘玖毫

看堤堡夫叁拾貳名工食原額銀五拾壹兩叁

錢實徵銀肆拾陸兩五錢陸分壹厘捌毫

司前走遞積夫內留五拾名應支工食銀捌百壹拾兩過閏加額銀陸拾柒兩五錢

驛馬柒拾匹內除扣撥外應支工料銀壹千叁百捌拾肆兩過閏加額銀玖拾玖兩柒錢五分本縣養濟院孤貧柒拾陸名口贖支口糧花布銀貳百壹拾貳兩五錢捌分叁厘過閏加額銀拾五兩玖錢陸分

不入地丁襍項稅銀原無定額儘徵儘解歲約壹百

武拾餘兩共有三項附列於後

房地稅契銀叁拾貳兩有零

當稅銀叁拾兩

牙帖銀陸拾兩有零

鹽引附

本縣遵照判定成書按丁均引每年額銷官鹽柒千叁百捌拾玖引又復加鹽引壹千玖百柒拾五引又於康熙拾捌年拾壹月內奉文以每拾引加壹引共加玖百叁拾陸引又於康熙叁拾陸年十一月內奉

又加增引壹千五百貳引共行鹽壹萬壹千捌百貳  
引本商自運自賣並不派累戶口將賣完殘引責令  
本商分為四季繳銷

--	--	--	--

商邱縣志卷之三

學校

虞廷命官首重敷教成周盛化推本辟雍商邑聖賢之跡循環接踵百世之下士寧無觀感而興起者乎八芹泮而鼓篋知彘墻之不遠也宋人書院猶存古遺今郡縣吏爭立義學亦源流之意云爾  
法得並書

縣儒學在北門內四牌樓西明萬曆元年知縣何希

周建明倫堂

三間東西號房

各五間

教諭宅在明倫堂東

北訓導宅在明倫堂後

宋應天書院在舊城州治東宋大中祥符三年邑士曹誠建學舍百五十楹聚書千五百卷招明經藝者講習其中有司以聞賜額應天書院久廢明嘉靖初移建於今城西北隅今亦廢

宋范文正公講院在府學之東明萬曆二十九年知府鄭三俊重建課士其中國朝康熙十三年知府

閔子奇復修今為郡義學

按院基南北長十八丈六尺東西橫闊八丈二尺大

門一座二門一座講堂一座後軒一座文昌閣一座文正公祠一座藏書樓一座樓下殿房三間向學西

門樓一座東號房二十間西號房二十間週圍磚牆  
計高一丈三尺六寸藏書樓前東西牆二道直接講  
堂東西號房各院牆一道前後相連俱與中牆相對  
東西各通道一條耳門四座號房每層各小門一座  
社學舊隨鄉建置後稍廢明嘉靖初知州王侑建之  
象賢祠西又嘉靖十年巡按御史蔡騷改為應天書  
院後廢 國朝康熙十九年知縣朱衣貴重立於縣  
學前二程夫子祠內後知縣趙申喬更為恢廓題曰  
師程講院祀二夫子併修文昌祠魁星樓以翼泮辟  
知縣劉德昌抵任亦加修治今仍為縣義學

舊志曰中原學校明萬厯初張君正柄國銳意肅



清一時諺語有秀才無假漆無真之語自四十年  
學使者葉秉啟至而情始溢四十六年學使者呂  
邦曜至而賄賂始盛其後濫觴不可問矣嗚呼學  
校人才王者所以礪世磨純之具也可漫焉以聽  
之手今 國家慎蒞科場嚴飭學政得刑罰世輕  
世重之權成周棧樸之化浸浸手可復覩矣

災祥

瑞異之應君子所以謹天戒也一邑雖微而推之  
家國則大矣况歷代以來紀年而書則前事之不

忘國後事之師手有感斯應彰往察來知微君子  
寧忍忽諸

商

太戊時有祥桑穀共生於朝七日大拱伊陟曰妖不  
勝德太戊修德而祥桑枯死

周

莊王十四年秋宋大水

襄王八年春戊申朔隕石於宋五是月六鷓退飛過  
宋都周內史叔興聘於宋襄公問焉對曰君將得

諸侯而不終

二十八年秋雨螽于宋

頃王六年秋七月有星孛入於北斗周内史叔服曰  
宋之君將死亂後三年弒昭公

靈王八年春宋災

二十七年春無冰梓慎曰宋其饑乎宋果饑

景王二年宋災有叫于宋太廟曰譖譖出出烏鳴於  
亳社如曰譖譖甲午宋大災伯姬卒

二十年冬有星孛於大辰梓慎曰宋大辰之墟宋

必災明年五月宋果災

敬王十四年癸惑守心宋景公憂之司星子韋曰可  
移於相曰相吾之股肱可移於民曰君以民辟四  
方可移於歲曰歲饑民困吾誰為君子韋曰君有  
君人之言三癸惑宜有動果徙三舍

報王二十九年宋有雀生麟於城之轍占曰小而生  
大必霸天下宋君偃欲霸之連成乃射天管地斬  
社稷而焚之國人大駭天下謂之桀宋齊楚魏共  
滅之偃走死於盪

漢

景帝中三年六月壬戌蓬星見在房南大如二斗氣  
色白癸亥在心東北長丈所占曰必有亂臣後梁  
王欲為嗣使人殺袁盎事露梁大臣皆按誅

元帝建昭元年正月戊辰隕石梁國六

光武建武二十四年六月丙申睢水逆流一日一夜  
止

桓帝元嘉元年梁國饑民相食

晉

武帝咸寧元年白雀白雉見睢陽

二年白龍二見於梁國

太康五年秋七月暴雨害豆

八年春三月熒惑守心

安帝義熙十二年五月彗星出天市掃地座在房心  
北

十二年月犯歲星留在房心之間占曰得歲者王  
後為劉裕啟宋興之兆

北魏

高祖太和八年睢陽縣獲嘉禾

十四年四月甘露見睢陽桃樹

北齊

後主天統四年秋七月孛星見於房心白如粉絮大

如斗

唐

高祖永徽四年宋州有異獸見民蔡道基舍傍高丈

餘頭類羊一角鹿形馬蹄牛尾五色有翅占曰烏

如畜形有大兵

中宗景龍元年宋州大風拔木壞民廬舍

德宗貞元八年宋州大水

十四年秋有異鳥見宋州郊外色青類鳩鵲所至處群鳥翼衛朝夕噪稻梁以哺之睢陽人適野聚

觀累日

武宗會昌二年春正月癸亥宋州地震

五代

梁太祖開平四年冬宋州大水節度使宋友諒獻瑞麥一莖四穗大祖曰豐年為上瑞今宋州大水安



用此為

漢隱帝乾祐二年夏五月宋州蝗一夕抱草盡死有  
司奏于朝遣官祭之

宋

太祖開寶四年夏六月汴水決宋州穀熟縣濟陽鎮  
九年夏五月宋州大風壞甲仗庫城樓軍營民舍  
四千五百九十六區

太宗太平興國四年秋月汴水決宋城縣

清化二年春正月熒惑犯房第一星

真宗大中祥符元年李梅妻產二男二女

六年秋九月宋城縣產芝得五十奉獻之

徽宗政和五年夏四月野蠶成繭

金

世宗大定二十年河決衛州瀟漫歸德等處二十七年命各州縣長貳皆提舉河防事

元

世祖至元二年歸德府淫雨決十旬

明

太祖洪武三十一年夏四月己亥歸德州大火延燒  
軍民一百三十餘處儒學堂齋尉號皆焚

英宗正統五年春夏旱無麥遣官賑濟

孝宗宏治十五年夏六月河決入城公私解舍蕩然  
無餘

武宗正德七年秋黑骨見人皆不寢鳴鑼特兵以備  
之數月乃息

世宗嘉靖二年秋淫雨百日平地行舟冬大饑人相  
食

三年元旦地震春二月朔晝晦自未至酉人畜不寧

夏四月大雨雹大如鷄卵人畜皆為所殺

八年秋八月蝗飛蔽天

十六年夏六月河決汜溢於城下至十九年冬始涸

十八年春大饑疫死者相望

二十年春三月晝晦星見飛沙拔木咫尺不能辨  
夏麥有一莖三穗者

三十六年夏四月大雨雹大如雞卵樹木禽畜損傷甚多

三十七年三十八年秋七月河決傷禾

三十九年河北徙

神宗萬曆元年春二月大風黃塵蔽天黑暗終日

五年冬雪深數尺

九年冬無冰

二十一年春三月三日黑風大作自旦徹宵人皆

迷失

二十九年河決支流四出平地皆水

三十二年河溢是年大疫死者相枕

熹宗天啟二年春二月地震有聲自西北來聲如雷  
金鐵皆响犬驚吠

懷宗崇正二年冬十月大雷

五年淫雨自夏至秋平地行舟

七年沙鷄至毛色如鷄而大獸蹄不樹棲飛有聲

十年夏五月有怪在北門井內人入者輒死

十二年冬燠

十三年大饑人相食

十四年大疫死者相望秋天狗墜於心宿之野次年賊破歸德城屠人十餘萬

國朝

世祖順治二年春正月朔雨紅雨

四年秋大蝗集于樹枝幹皆折不食禾

冬十月大雷

十二年夏四月隕霜傷麥

十三年大雨雹巨如鷄卵

十五年冬十一月大雷

十六年五月初五日大雨四十餘日始霽平地水深數尺田禾房垣盡沒

今上康熙七年六月十七日地震河水溢房舍倒塌壓死男女甚多

十七年七月二十六日地震時動時止者三日

二十四年秋大水

三十九年四十年俱大水城南一望汪洋渦河百斛之舟直達郡城歲俱歉知縣劉德昌設法賑濟



四十年秋八月有奸民思倡亂者知縣劉德昌  
計擒其魁痛懲之餘黨解散民賴以安

### 兵燹

歸郡齊楚之交衝江淮之屏蔽固形勢所必爭也  
宋之被兵不知凡幾華大夫之易子析體張中丞  
之羅雀掘鼠亦云酷矣而明季之蛾賊兩陷郡城  
殺人丰長平屠戮之慘閭閻所僅見也 國家承  
平六十年休養生息人不知兵矣迨維往事能無

### 古戰場之吊平

周

魯隱公五年秋九月鄭人會王師伐宋入其郛以報東門之役先是宋公與陳蔡衛伐鄭圍其東門五日而還事在隱公四年

九年夏鄭伯以王命伐宋以宋公不王也

十年夏六月魯公子翬會齊人鄭人伐宋敗宋師於菅

莊公十年春二月魯侵宋夏宋與齊伐魯宋師敗于乘邱而還

十四年春齊人陳人曹人伐宋齊請師於周夏單伯會之取成於宋而還

十五年秋鄭侵宋先是諸侯為宋伐邾邾即邾邾為

宋附庸以判宋故伐之鄭人乘其間而侵宋

僖公二十一年宋人為鹿上之盟以求諸侯於楚秋

會於孟楚因執宋公以伐宋冬會於薄薄即薄以釋之

二十二年冬十一月宋及楚人戰于泓宋師敗績

襄公傷其股

二十三年春齊伐宋圍緡夏宋襄公卒傷於泓故

也

文公十年冬狄侵宋

十七年春魯魏陳鄭伐宋以宋人弑其君杵臼也  
宣公十三年夏楚伐宋先是楚伐蕭以宋華椒救蕭  
故也

十四年秋九月楚使申舟聘齊不假道于宋宋人  
殺舟楚子遂圍宋次年夏五月使華元夜入楚師  
子反與之盟楚乃退

成公六年春二月晉魏鄭及戎侵宋以其辭會也

春秋傳卷之三  
秋魯仲孫蔑叔孫僂如侵晉命也

十六年夏四月鄭公子喜帥師侵宋宋師敗于洧陵

十八年夏六月鄭伯侵宋及曹門外遂會楚同伐宋拔彭城納魚石以三百乘戍之而還

襄公元年春正月魯仲孫蔑晉欒黶宋華元衛齊殖晉人莒人邾人滕人圍宋彭城為宋討魚石也

秋楚公子壬夫帥師侵宋取宋呂留二邑名鄭子然

侵宋取犬邱

十年夏五月楚公子貞鄭公孫轅伐宋圍宋桐門  
衛人救之

十一年夏鄭公孫舍之侵宋

十二年冬楚公子貞侵宋師於楊梁以報晉之取  
鄭也

昭公二十一年夏宋華亥向寧華定自陳入於宋南  
里以叛

哀公五年夏齊伐宋

十五年夏五月鄭伐宋

漢

高祖三年秋八月彭越下梁十七城楚復擊取之

景帝三年春正月吳楚叛引兵攻睢陽梁使韓安國  
張羽拒之不能克

淮陽王更始二年冬梁王劉永據國起兵下濟陰等  
二十八城

光武建武二年夏四月遣將軍蓋延等擊劉永圍睢  
陽

秋八月蓋延圍睢陽數月克之永奔譙

三年四月睢陽人反城迎劉永蓋延引兵圍之

秋七月睢陽人斬劉永以降諸將立其子紆為梁王

五年夏六月光武帝自將擊梁秋七月梁人斬紆以降

晉

懷帝永嘉五年苻暉奉豫章王端為皇太子自倉垣徙屯蒙城置行臺尋為石勒所擄



後魏

孝莊帝永安二年梁將陳慶之送北海王顥北還進  
至梁國魏將邱大千分築九城以拒之慶之拔其  
三壘大千降顥遂即帝位于睢陽南旋克梁國

唐

肅宗至德二年春正月賊將尹子奇寇睢陽張巡入  
城同許遠拒之

三月尹子奇復寇睢陽張巡擊走之

冬十月尹子奇陷睢陽張巡許遠與其將南霁雲

雷萬春姚闐等三十六人皆死之其別將石承平  
等二十五人亦皆死巡難初睢陽孤危時賀蘭進  
明在臨淮尚衡在彭城許叔冀在譙皆擁兵不救  
城中食盡人知必死莫有叛者河南節度使張鎬  
聞睢陽圍急倍道並進比至而城已陷三日矣  
僖宗乾符四年秋七月王仙芝黃巢圍宋威于宋州  
將軍張自勉擊却之

宋

理宗紹定五年春二月蒙古圍金歸德府

明

武宗正德六年冬十月文安賊劉六劉七寇城守備  
萬廣拒却之

世宗嘉靖元年冬十二月萊蕪賊王鏜自梁靖口渡  
河我軍敗北遂入境肆掠引兵西南去

三十二年秋七月柘城賊師尚詔夜襲郡城郡縣  
官皆避匿檢校董倫提一鐵錮拒賊力屈被執罵  
賊而死妻賈氏與子奎皆遇害

懷宗崇禎八年春三月流賊攻陷大堤死者萬人

十五年春三月闕賊陷城同知顏則孔推官王世琇死之同時死者十餘萬人

古蹟

臺榭陂池足以資馮吊荒城戰壘足以考廢興古人往矣而蹟之存者烏可沒也宋國名都梁園勝壤昔人建置苟有遺踪雖疑亦錄

毫城在府西北杜預曰在蒙縣西北故湯都也春秋時宋邑桓十二年宋公子御說以宋萬之亂奔毫亦曰薄左傳僖二十一年楚執宋襄公以伐宋冬會於

薄以釋之哀十四年桓魋請以鞍易薄宋景公不可  
曰薄宗邑也即此漢置薄縣屬山陽郡後漢改屬梁  
國晉省括地志穀熟西南三十里有南亳故城書所  
稱三亳者蒙縣之亳曰北亳湯所興穀熟之亳曰南  
亳湯所都偃師之亳曰西亳湯所遷也又諸家皆以  
蒙縣之亳為景亳按商頌明言瞻彼景山為高宗寢  
廟所托則指偃師之亳無疑况景山至今未改手指  
為北亳悞矣鞍亦在亳西蓋魋之食邑

按曹縣志亦有景山云在

縣東四十里故楚郟城北亦引  
商頌為據此附食之說也

蒙城在城東北四十里亦曰大蒙城國語楚申無字  
曰宋有蕭蒙又有蒙澤在城東北三十五里傳莊十  
二年宋萬弒閔公於蒙澤漢置蒙縣屬梁國晉因之  
永嘉五年荀晞奉豫章王端為皇太子自倉垣徙屯  
蒙城置行臺即此劉宋屬譙郡後魏因之亦曰北蒙  
縣永安初梁將陳慶之送北海王顥北還自鉅城進  
拔蒙城遂至梁國蒙城即蒙城之譌矣後齊廢  
小蒙城在城南二十五里中有漆園莊周嘗於此為  
園史亦名漆邱晉義熙十二年劉裕遣王鎮惡等入

秦境秦將王苟生以漆邱降即此

貫城在城西北左傳僖二年齊侯宋公江人黃人盟于貫杜預曰蒙縣西北有貫城是也

橫城在城西南左傳昭二十一年宋華向之徒亂樂大心豐愆華擅禦諸橫杜預曰睢陽縣南有橫亭世謂之光城聲相近也

新城在城南左傳文十四年晉趙盾盟諸侯于新城杜預曰穀熟縣西有新城

龍亢城在城西南三十里相傳漢所置縣按兩漢書

龍元皆屬沛郡後漢郡國志曰向本國有向城在城東南今鳳陽府懷遠縣有龍元城志稱卽漢沛郡之龍元兩漢沛郡皆治相縣今爲宿州地相距懷遠近而與商邱遠則漢之龍元應在懷境而非商境也

睢陽故縣括地志曰在州治南二里外城中秦縣治此漢晉因之隋改縣曰宋城亦治南城中宋建南京宋城始移入郭內今舊城南卽故地也

穀熟故縣在城東南四十里漢睢陽縣地後漢建武二年封更始子歆爲穀熟侯邑於此尋爲穀熟縣屬



梁國晉因之後廢隋開皇十六年復置穀熟縣屬宋州唐武德二年置南穀州治焉四年州廢仍屬宋州宋開寶五年汴水決于此遷治城南仍曰穀熟縣元省今為穀熟鎮

陽梁聚在城東南三十里左傳襄十二年楚會齊師伐宋師于楊梁杜預曰陽梁在睢陽東

梁園在城東一作梁苑或云即苑園梁孝王築東苑方三百里大治宮室為複道自宮連屬於平臺三十餘里西京雜記曰苑園中有百靈山洛猿巖棲龍岫

望秦嶺又有鴈池池間有鶴洲鳧渚諸勝

金果園在城東南十里相傳亦梁孝王建

平臺在城東北二十五里亦梁孝王築司馬貞曰平  
臺一名修竹院相傳謝惠連賦雪于此又名雪苑

蠡臺在舊城南司馬彪曰睢陽有盧門亭城內有高  
臺甚秀廣巍然介立超而獨上謂之蠡臺亦謂之升  
臺續述征記曰迴道似螺故曰蠡臺水經注云蠡臺  
傍又有女郎臺涼馬臺晉永和九年姚襄降晉屯于  
懸陽殷浩惡其強威遷襄于梁國之蠡臺又升平四

年燕以慕容垂為征南將軍荊州刺史鎮梁國之燕  
臺是也

清冷臺在城西北十八里梁孝王築相傳宋太祖避  
暑于此又名清涼臺

三陵臺在城西北十八里三峯並峙故名

靈臺在城東梁惠王六年取宋儀臺郭象曰儀臺靈  
臺也虞城縣亦有靈臺

營郭臺在城東南七十里營郭鎮上有建吉寺

文雅臺在城東南里許世傳孔子過宋與弟子習禮

大樹下即此 國朝康熙二十 年郡守胡國佐重  
修

六忠臺在城南舊城上元至元間遷協忠祠于城上  
或其址也明萬厯間郡守鄭三俊建雷萬春廟于此  
曜華宮梁孝王建按三輔苗圖王作此宮與諸宮觀  
相連延亘數十里奇果異樹珍禽怪獸靡所不有王  
日與賓客弋釣其中

鴻慶宮舊在應天府城北俗稱北宮宋之原廟也真  
宗大中祥符七年以應天府為南京以聖祖殿為鴻

慶宮奉太祖太宗像侍於聖祖之側名神御殿又名  
三聖殿故址在城西南隅

歸德殿在舊城內宋南都行宮之正殿也

照碧堂宋建於南都城上以臨南湖晁無咎有記

竹園在城東南水經注睢水自睢陽東南流歷竹園  
水次綠竹蔭渚菁菁彌望世謂之梁王竹園官收其  
利因名官竹梁中大通四年遣羊侃送元法僧北還  
侃至官竹聞譙城為魏所陷引還者即此

妙峯亭在舊城內宋留守王勝之建蘇軾題榜又有

新亭十二皆勝之建又有觀光亭望雲亭亦俱在舊  
城內見南都賦

清冷池在梁園內李白作鳴皋歌送岑徵君處

三仁街在舊城內微子廟前

斷頭巷在舊城內相傳為唐張巡死節處

鳳池口在城西北二十二里舊黃河經焉金哀宗下  
歸德至鳳池口渡河即其處

留趙村俗名留趙口即隋麻叔謀開汴渠同曲處  
滌堤在府西北七里滌一作萊梁孝王所築宇文廟

水陽堅使于仲文擊尉遲迥將檀讓於河南軍至滌  
隄去梁郡七里進拔之即其地也

隋隄在舊城外三里即汴渠故隄也築于隋故名

黑松林在城西大林舖北

萬戶林在城北

### 第宅

念召崇而勿剪通商虛而必式賢者之繫人思如  
此商邑為古國都甲第之崇麗者何限而今者不  
傳矣近代名卿居址或堂構尚仍或滄桑已易而

里巷猶有可識者皆宜存之以備考索

唐

梁王宅舊志在睢陽城內唐魏元忠有侍宴梁王宅  
應制詩今址無考

宋

杜衍宅舊志在南京驛舍今無考

明

徐按察永達宅在南門大街東正人坊

潘侍郎禮宅在南門內



宋尚書莊敏公宅在縣治北

沈太保文端公宅在兩馬道東梅家園南

侯光祿執躬宅在三司西街北

侯太常執蒲宅在北門內劉家隅首

周尚書士樸宅在城東南隅兵街

侯尚書恂宅在四牌樓東其南園在城南十里有記

侯祭酒恪宅在北門大街路東

余尚書城宅在縣治後

葉侍郎廷桂宅在南門姜家隅首西

國朝

宋太保文康公宅在六忠祠西文康子榮官江蘇巡撫清正和平屢被

宸眷康熙己卯

上幸江南

御書仁惠誠民四字又懷抱清朗四字以

賜又

御書詩扇又臨米芾書董其昌書天馬賦淵鑿齋法帖及耕織圖以

賜又康熙癸未

上復幸江南

御書清德堂三字西波二字以

賜又

御製堂聯曰官箴三命凜家學一經傳及

御製督撫箴以

賜皆

御筆也萃因建

御書樓以藏樓即在文康故宅內

西波宋都憲華別業在城西南史家河側有溪流竹  
樹之勝名人題詠甚多

侯氏壯悔堂尚書恂子方域讀書處在劉家隅首東  
所有雜庸堂翡翠樓者亦即此處

遡園名士賈開宗故居在北關外

### 陵墓

冢墓者第宅之餘也第宅不能留于百年冢墓可  
留于千載乎然名賢邱壠長吏每為禁樵採千秋  
朽骨豈不以人重乎邑境亦有古陵寢或曰傳疑

商邱縣志 卷之三  
姑存以俟辨證

上古

燧皇陵在關伯臺西北相傳為燧人氏葬處俗云土色皆白今殊不然

帝嚳陵在城南高辛里帝嚳都亳故葬此皇覽謂葬頓邱今在滑縣而滑縣郟陽縣又俱有帝嚳陵皆所傳之誤也有宋太宗開寶元年紹祀帝王陵寢碑可考

關伯墓即商邱也世傳關伯葬此

商

河衛伊尹墓在穀熟鎮南五里即古亳故墟有伊冢前有祠見侯有造記書謂生于亳卒于南亳是也

周

宋公微子墓在城西南二十五里青岡廟碑云十二里以舊城近南故也

唐

將軍雷萬春墓在城東一里今無考

宋

高郵縣志 卷之三  
太子太師祁國公謚正獻杜衍墓在宋城仁孝原

太子少師參政謚康靖趙鼎墓在宋城天巡鄉

吏部侍郎參政謚文安王克己墓在宋城平臺鄉石  
落原

太子太保參政謚文定張方平墓在宋城永定鄉

明

山西按察使徐永達墓在開伯臺後有大學士楊溥  
表

工部侍郎潘禮墓在城西北七里正德六年諭葬

史部尚書謚莊敏宋纁墓在城西北二十里許三陵  
台下萬厯間諭葬

太保大學士謚文瑞沈鯉墓在城西十里鋪萬厯間  
諭葬

南京通政使贈侍郎田珍墓在城東南三十五里崇  
禎間諭葬

光祿寺卿侯執躬墓在城西南二十里袁家店

太常寺卿侯執蒲墓在城西南二十五里袁家店南  
國子祭酒侯恪墓在城西二十里水池鋪



工部尚書周士樸墓在城南十八里趙家口西南

南京兵部尚書余斌墓在城東南二十里閻家集北

戶部尚書侯恂墓在城西南十里薛家園南

總督薊遼兵部侍郎葉廷桂墓在城東南穀熟鎮北

流臘坡

國朝

太子太保大學士謚文康宋權墓在城西二里許關

伯臺後康熙初諭葬 贈公宋沾墓在其右